





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1810/A






Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1810/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1810/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1810/A

1810
A

FROM THE LIBRARY
OF WILLIAM MORRIS
KELMSCOTT HOUSE
HAMMERSMITH

L


242 Dodonaeus (R.) De Frugum Historia ; eiusdem Epistolæ duæ, 35 wood-
cuts, device on title (some plain margins slightly wormed), half bound
Antw. Jo. Loëus, 1552

354
369

Dodonaeus

34

21-A-4708



4708
Remberti Do-

DONAEI MECHLINI
ENSIS MEDICI, DE FRU-
gum Historia,
Liber vnus.

EIVSDEM EPISTOLAE DVAE,
Vna de Farre, Chondro, Trago, Ptisana, Crima-
no, & Alica.
Altera de Zytho, & Cercuisia.

Habet & musca splenem



Et formicae sua bilis inest.

ANTVERPIAE.

Ex officina Ioannis Loëti. M. D. LII.

CAROLVS QVINTVS DIVI-
na prouidentia Romanorum imperator
semper Augustus &c.



Niuerſis præſentes literas inſpe-
cturis ac audituris ſalutem. Exhi-
bita nobis fuit ſupplicatio à Io-
anne Loco Typographo & Bi-
bliopola Antuerpienſi, qua indicauit ſe cupe-
re in communem vtilitatem excudere atque
diſtrahere Leonardi Fuchſij Herbarium, &
emendatum & auctum diligentia & opera.

D. M. Remberti Dodonei Medici clariffi-
mi cum multis alijs eiufdem de eodem argu-
mento ſcriptis in quam rē intolerabiles in ex-
primendis Herbarum ad viuum figuris, & in
excudendo facturus eſſet ſumptum. Itaq; re à
nobis animaduerſa & petitionis æquitate
cognita, illius ſupplicationi conſenſimus, an-
nuimus noſtris literis, vt prædictum Herbar-
rium & alios de re Herbaria tractantes eiuf-
dem Dodonæi libros excudat atq; diſtrahat
per omnes noſtras ditiones, vt latius patet in
origenali: Interdicentes ne quis eadem impri-
mere aut diſtrahere audeat ſpatio decem an-
norum ſub pænâ in literis contenta. Datum

Bruxellis XXVII Maij Anno milleſi-
mo quingenteſimo quinquageſimo
primo, imperi noſtri XXXij. Re-
gnorum autem Caſtellæ & alio-
rum trigefimo ſexto.

Subſignauit. De la torre.

2

SPLENDIDISSIMO MVLTI-
que modis ornatissimo viro. D. Gerardo à
Veltwijck. Equiti aurato Imperato-
ris Diui Caroli quinti Consiliario
& Aurei velleris Thesaurario.
Rembertus Dodonæus.
Medicus S. P.D.

CVM D. Philippo Cobelio eruditione & iudicio
præstanti viro tui amantiſſimo. quum ſuperioris
bus diebus mihi ſermo incidiffet, Splendidiſſ. D.
Velduice, de noſtri tēporis viris doctis, qui her-
barum ſtirpiūq; naturas admirarentur, aut earū cog-
nitionem ſtudio aliquo proſequerentur, ac tu primus no-
bis, imo vero ſolus occuriſſes, qui ſecretiorem illā pla-
ne diuinam & admirabilem Phyſices ac Iatricis partē
ſæpi q̄v̄tō, cum omnis generis eximia eruditione, &
linguarum cognitionē coniungeres, cœpit me adhorta-
ri, & amice admonere, vt me quoquo modo tibi inſinua-
rem, & in amicitiam tuam memet dederē. Aiebat enim te
eſſe, vt & docti omnes vno ore pronunciant, omnis hu-
manioris diſciplinæ ſingulariter peritum. In Philoſo-
phia, ac iuris prudentia verſatiſſimum, linguarum plu-
rimarum, etiam peregrinarum expeditiſſimam cognitio-
nē habere: ineffabili beniuolētia præditum. Et præter
haſ tā inſignes & claras dotes, tā propenſo animi ardo-
re ad ſtirpiū plantarūq; cognitionē duci vt plurimas
orbis partes, Italiæ fere omnes, Alpium aliorūq; mons-
tium præruptiſſima loca, corporis tui etiam periculo
A ij huius

EPISTOLA NVNCVPATORIA

huius studio, atque desiderio peragraueris: sic ut non vulgarem, sed perfectissimam stirpium cognitionem tibi paraueris, & vnus solusque sis, qui herbariam rem, & stirpium historiam, maxime promouere & ad absolutionem perducere potuisses, nisi te D. Carolus V. Imperator semper Aug. ad consulatum, quo summa Reipub. vtilitate fungeris, legationes, quas apud externos principes & ipsum Turcarum imperatorem foeliciissime obijsti, aliaq; maiora munia vocasset. Quae dum summa cum laude atque apud omnes principes pariter ac plebeios gratia administras, non cessas tamen herbarum stirpiumq; studium prosequi. Nam & in amplissimos tuos hortos omnia herbarum genera non sine magno sumptu ex remotissimis etiam orbis partibus conquisita infers, & diligenti cultu tractari curas, grauioribus negocijs fessas ingenij vires hac laudatissima, ac iucundissima speculatione recreas, reficiens, recolligens, quotiens te a magnis rebus Illustrissima Hungariae regina inferioris huius Germaniae prudentissima moderatrix, vacare patitur, cui et ad hoc liberalissimum studium, ad quod animi sui maxime ingenui propensione ducitur, igniculos addis. Stirpium nimirum contemplationem tali tantaeq; principi dignam iudicans, qua sese recreet, atq; animum colligat, ut in qua olim longe clarissimi Heroes, Heroinae, Reges, Reginae, Principesq; versati sunt, qui non incelebrem sui apud posteros memoriam reliquerunt nominibus suis herbis donatis. Quare cum tanta tua sit humanitas eruditio prudentia, tamque eximius, & rarus tuus erga stirpium plantarumq; historiam affectus sumpsi animum ex
consi

EPISTOLA NVNCVPATORIA 3

consilio D. Cobelij viri prudentissimi, mihiq; amicis-
 mi, proposuiq; fauerem & patrociniū tuum ambire,
 de tua singulari humanitate & beneuolentia, quæ ab
 omnibus prædicatur, confusus, te vnum esse vere sciens,
 qui non solum stirpium historiae auxiliares manus præ-
 bere vales, aut patrociniū eius fœlicissimè exequi,
 verum etiam, qui nostrum de herbaria re conatum, studi-
 umque plurimum promouere, adiuuare, augereq; pru-
 dentia, autoritateque tua potes. Quærenti au-
 tem mihi honestam aliquam, qua me tibi insinuarem oc-
 casionem, de re herbaria venit in mentem argumentum.
 Selegi itaque ex nostro opere vernaculo sermone de
 stirpium historia conscripto, quod sex libris absolutum
 iam sub incude est, breui in lucem proditurum Serenissi-
 mæ Hungariæ Reginæ dedicatum, in quo præter ducen-
 tarum, et etiam plurium nouarum (nouas appello quæ
 iam primum in lucem reuocatae sunt) stirpium accessio-
 nem, multæ quoque integritati suæ restituta sunt, & an-
 tiqua veterum medicorum nomenclatura donata, quæ
 falsis nominibus innotescere ceperant. Selegi, inquam,
 ex hoc nostro opere, frugum historiam omnium difficil-
 limam, maximis erroribus implicatam, in communi vita
 frequentissimam tamen et necessariam (tanta fuit secu-
 li aut barbaries, aut inscitia) quam antiquitati restitu-
 ta n, et veritatis luce illustratam tibi Latino vtcunque
 sermone conscriptam nuncupare decreui. Proinde
 cum in certissimam spem adducerer, laborem hunc no-
 strum tibi futurum gratissimum, de frugum historiali-
 brum tuo nomini inscriptum in lucem mitto, quicquid
 in eo opere diligentie, & laboris mei est, id omne tibi

A iij offes

EPSITOLA NVNCVPATORIA

offerens dedicansq; cum vt mea erga te studiaq; tua
obseruantia veluti testis sit, beneuolique affectus, & a
moris specimen, tum vt tuo nomine, & gratia commens
datus, studiosis Medicinae fiat commendabilior. Res
liquum igitur est ornatissime Eques vt hoc no-
strum exiguum munusculum hilari, exporre
Et aque fronte accipias, & Dodonae
um in amicorum tuorum nume
ro aliquo loco esse patiaris,
quae si consecutus fue
rit: ad maiora auden
da animū viresq;
adieceris.
Vale.

Remberti Dodo

NAEI MECHLINIENSIS

Medici, de Frugum historia

Liber.

Quid fruges, & quot earum genera.
Cap. Primum



Ruges generali uocabulo, ut Priscianus author est, dicuntur omnia quæ ex terræ fructibus satis, in alimoniam nostram uertimus, siue frumēta, siue legumina, a frumine eminēte gutteris sub mento parte appellationē, ac nomē adeptæ. ut Festus. Donatus Seruius docent.

Frugum duo prima sunt genera authore Plinio. Frumentum et Legumina. Frumentū, siue ut Græci σῖτον, omne illud dicitur, quod tenui culmo assurgit, et spicam adfert grana producētem, ut Triticum, Zea, olyra, Typha, hordeum, Panicum, miliū Avena. Oriſa, Secale &c.

Legumen, siue ut Græci ὀσπριον, est cuius semē non spicatur, sed in siliquis continetur, aut, ut Galenus ait. Legumina ea cerealia semina appellantur, ex quibus panis non fit, ut fabæ, pisa, phaseli,

A iiij phaseo

HISTORIA FRUGVM

phaseoli, ochri, lathyri, ciceres, lentes, eruum, &c.
Legumina autem Varro dicta uult à legendo, quoniam a terra uellantur, non ut fruges secentur.
Dedere ea clarissimis olim Romanorum familijs cognomina. Sic Fabij, Cicerones, Pisones, Lentuli, à faba, cicere, piso, & lente cognomenta retulerunt.

De Tritico, Cap. 2 GENERA.

TRitici à ueteribus multa notantur genera, cognomina ex locis sortita, ut: Aphricum, Ponticum, Trachicum, Asiricum, Aegyptium, Beoticum, Siculum, Gallicum, &c. Aut cando-
re, aut pondere, quo maximè, ut inquit Plinius frumentū discernitur, aut magnitudine, aut alia quouis proprietate inter se differentia. Quoddam etiam est præcox, aliud serum, aliud auctu amplum, multumque reddens, aliud ieunum, ac parum ferēs.
Qui uerò minus scrupulose hæc persequuntur, tritantum Tritici genera obseruant. Robum uidelicet, Siliginem, & Trimestre Triticum, quod Setanum dicitur, quæ tamen si quis exactè ipsorum naturam inspiciat genere etiam non dissident, differentiam siquidem eorum, solum in quo nascuntur, & sationis tempus pariunt, nullum enim est Tritici ex his genus, quod non è quouis proueniat, et in quod-


REMBERTI DODONAEI

quoduis transeat, si aut deses negligentia, aut diligens cultura adsit. Meliori siquidem solo commissum Triticū, & temporius satum melius redditur. In ignobili autem & intempestiuus satum degenerat. Ita Robus quod optimum ex Tritici generibus est solo uliginoso satum, post tertiam sationem in Siliginē uertitur ut Columella ait. Siligo uero in conueniens solū tralata, biennio iterū in optimū Triticū, id est, Robum transit: si grauissima quæq; eius grana serantur, aui hore Plinio, excepto Allobrogum, & Auernorum agro, ubi pertinax Siligo manet propter locorum humiditatem.


Ab his autem Setauū, siue Trimestre triticum, eo solo differt, quod non ante hyemem, sed sub uernū æquinoctium satum sit, quod si enim maturius sereretur, cōmodius proueniret, neque enim ullum natura Trimestre triticum est, ut Columella refert, quippe idem satum autumnō melius respondet.

HISTORIA ERVGVM.

Πυρός. Triticum.



REMBERTI DODONAEI 6
FORMA.



Triticum omne tenuibus, & multis ex-
it radicibus in herba per hyemē (quod
autumno satum) est, inde remollito cœ-
lo, cubino assurgit, quam hordeum altio-
ri, nullis ramis brachiatis cuius terno aut quater-
no geniculo spica geritur, nullo uersu aut ordine di-
stincta, & arista (ut Plinius inquit) carens, quæ &
à folijs magis quam in hordeo emicat.

Robi granum durum solidumque est, pondere,
& nitore præstat, rutiloque colore non solum ex-
trinsecus splendet, uerum & confractum, inter om-
nia tritici genera colore est flauiori.

Siligo molle, laxūq; granū habet cortice exte-
ri nonnihil flauescens, medulla aut leui cādidissima
que, quā Plinius ait nunquā pariter maturescere,
nec ulla segetū minus dilationē pati, propter teneri-
tatē ijs quæ maturuere prius granum demittenti-
bus: sed minus tamen quā cætera frumēta, in stipu-
la periclitari, quoniam semper spicam habeat re-
tam, rorē non continentē, quæ rubeginem faciat.

Setanium Siligini simile est, & eius quoddam ge-
nus, ut Columella scribit.

Nomina.

Triticum Græce τριτὶς dicitur, Germanis Weij-
sen, Brabantis Teruue, Gallis bled, ou fourment.

Primū

HISTORIA ERVGVM.

Primum & præstantissimū Tritici genus Latinis ut Columella author est, Robus appellatur, quam et Plinio absoluto, & communi nomine Triticum, sicuti & Græcis frequentissime πυρός. An uero huiusmodi Tritici genus, Brabantis cognitū sit, difficile fuerit iudicare, uerisimilius certe est, agros nostros præstātissimo hoc Tritici genere cārere, cū Allobrogū & Auernorū agri, nostris calidiores, Robum etiam non adferūt, sed pro Robo sato, Siliginem reddāt. Quod si uero & in nostro hoc solo prouenire posse existimetur, Robus utiq; Triticū erit, in agris fœcūdissimis, & uligine quā minimū tentatis natum, quod pondere, nitore, & magnitudine præcellat, & colore rutilum sit, nam & hoc inter Robidotes numerant.

Alterum Tritici genus, in quod Robus solo uliginoso post tertiam, ut diximus sationem conuertitur, Siligo Latinis dicitur, Columella Tritici uitiū appellat. Plinius autem Tritici delicias censet, & candorem sine uirtute & pondere esse ait, in specie Columellæ contradicens, re uera tamen, ab eo non dissentiens. Columella enim, ut bonus agricola, Triticum laudat pondere grauißimum. Plinius autem homo urbanus, et delitijs magis assuetus nō pondus, sed suauitatem in mandendo, leuitatemque et candorem cōmendat. Non negat ille ex Siligine
panē

REMBERTI DODONAEI. 7

panem fieri candidiorem, quamuis enim inquit candore præstet, pōdere tamen uincitur, sicuti neq; hic leuem, ac sine uirtute Siliginem esse. Sed Columella ad pondus (quo maxime omnium frumentum, etiam Plinio discernitur) resticiēs hōc Siliginem Robo deteriore censet quo leuior est, Plinius uerō, nulla grauitatis ratione habita, sed candorem, & leuitatem considerans maxime, Tritici delicias Siliginem appellauit, ex Siligine siquidē panis fit, cā candidissimus. Hippocrati Siligo σρύγῖς, aut ut nonnulli legunt τρύγῖς dicta uidetur, leuior enim Strygis Tritico, id est, Robo (absoluto enim sermone sæpe Triticū, & πυρός, pro Robo dicūtur) alio qui ei omnino similis, quæ enim ex ea fiunt, similiter ut ea quæ ex Tritico, apparantur, nihil autem Robo tam simile, quā Siligo. Certè nisi Strygis Siligo sit, quid tandem fuerit dicere non possum. Eorum enim sententiam non probo, qui Strygin Olyram, aut Tragum interpretantur. Quanto aut in errore uersentur, qui Siliginem Olyrā Græcis dictā existiment, infra, ubi de Olyra ostendemus. Siliginem omne Triticū existimo, quod in Gallia Belgica prouenit, magna enim ex hac parte in hac regione cæli status humidus, et solum etiam ipsum alioqui multis fluuijs irrigatur, in cuiusmodi locis Columella, & Plinius promptissime Siliginem nasci

ci

HISTORIA FRVGVM.

Et ex Robo prouenire scribunt, quorum ille quidē
 sic habet: Siligo in humido cœli statu, recte proue-
 nit, Et ideo locis manantibus magis apta est, nec
 tamen ea longē nobis, aut magna difficultate re-
 quirenda est, nam omne Triticum solo uliginoso,
 post tertiam sationem conuertitur in Siliginem.
 Plinius uerò hunc in modum: Siliginem proprie dix-
 erim Tritici candor est, Et sine uirtute, Et sine pon-
 dere, conueniens humidis tractibus, quales Italiæ
 sunt, Et Galliæ Comatæ. Cuius sententiæ postre-
 mum non mediocriter opinionem nostram confir-
 mat. Si enim Italia Et Galliæ comatæ prouin-
 ciæ, trans Alpes Romanis, nobis cis Alpes sitæ,
 Belgica Gallia multis de causis sicciore, Robo fe-
 rendo non sufficiant, sed Siligini maxime conueni-
 ant, non aliud profecto frigidiores istas regiones,
 quam Siliginem producere, existimare oportet. Ex
 his itaque manifestum est, Tritici illud genus, quod
 apud Brabantos, Et Flandros autumnō passim seri-
 tur, winter ter we, hoc est, hyemale Triticum uo-
 cant, ueram esse Siliginem cuius ueteres Colu-
 mella Et Plinius meminerunt. Quod ideo adiectū
 uoluimus, ne cuiquam Siliginis hac tempestate am-
 bigua appellatio, imponeret. Est enim quoddam
 frumētī genus Brabātis, atq; adeo omnibus septen-
 trionalibus regionib. familiarissimū, quod nonnulli
 etiam

REMBEPTI DODONAEI. 8

etiam Siliginem appellari contendunt, a Tritici bonitate longe recedens, uulgo rogghe, Plinio secale appellatur, de quo suo loco agemus.

Tertium Tritici genus, quod uere feritur Græcis τριμηνιον ἔλαιον, Latinis Trimestre Triticū & Setaneum appellatur. Eius usus, inquit Columella, agricolis gratissimus, ubi enim propter aquas aliamue causam matura satio est omissa, præsidium ab hoc petitur. Hoc Tritici genus, inquit Ruellius, Galli Martium uocant, rura nostra Zomerzwe, hoc est, æstiuum triticum, nuncupant. Trimenon autem, siue trimestre, ab Italis dicitur, quod tertio fere, a quo satum est mense maturescat, quod tamen de nostro dici non potest, quod Martio satum, Iulio demum, hoc est, quinto post mense demetitur, unde & non improprie pentemenon dici posse uidetur.

Errant non leuiter qui Germanis dictum Amelcorn, hoc est, quasi dicas, Amyli triticum, Setaneū esse existimant, quod ex eo Amylum fiat, ita enim & Zeia Setanium esset, ex ea enim Amylum fieri Dioscorides tradit. Amileium enim hoc, ut sic dicere liceat) Triticum, spicam habet multis Aristis uallatam, & semen, quod non facile à folliculo suo deglubitur. Triticum autem omne aristis caret, et à gluma facile absoluitur. In non minori eti

HISTORIA FRVGVM.

am errore uersantur qui frumenti quoddam macrū, triste, Hordei similitudine genus, uernaculo Gallo- rum uocabulo Scourgeon appellatum, cuius gra- num, à folliculo suo non facile excutitur, Setaniū esse existimant, nam cum exiguum quoq; cum Tri- tico similitudinem habeat, & præterea autumnō seratur, Setanium quoq; esse non potest. Sola enim uerna satio Setanium efficit, & à Tritico aut Sili- gine distinguit.

Tritici & Siliginis partes.

Flos purissima farina, quæ à furfuribus inte- gre purgata est (Brabanti *fijn bloemen*, & *douſt* appellant) Græcis γύρις, & πάλιν Latinis etiam nonnunquam pollen, quāquam Mar- cellus, Dioscoridis interpres, pollinem tenuissimū puluerem magis esse dicat quam farinam, qualis circa molas plerunq; & loca in quibus panis pinſi- tur, parietibus adherens, inuenitur. Inter pollinem tamen, & florem Plinio nonnihil discriminis est: flos enim illi purissima farina Siliginis, pollen uero subtilissima farinæ Triticæ pars, idē, ut inquit, in Tritico, id est Robo, q̄ flos in Siligine. Cornelio Celso pollen etiam impurior, & furfuracea fari- na est, ut infra dicitur, qui & hanc purissimam fa- rinā Siliginem uocauit, unde panis, qui ex hac pu- rissima farina fit σιλιγνίτης, siue Siligineus dicitur.

Simia

2 Similago, quæ & Simila, Græcis σιμιθᾶλις, nobis bloeme, & grove bloeme, media quædam farina pars, inter florem & farinam, ex qua uidelicet non omnes excussi sunt furfures, sed crassiores tantum repurgati: panis ex hac factus σιμιθᾶλις, similagineus nuncupatur: Laudata olim similago fuit in panificio: laudauit & eam Martialis in xeniijs suis hoc carm.

Nec dotes poteris Similæ numerare, nec usus

Pistori toties, cum sit & apta coquo.

3 Farina Græcis ἄλευρον, Brabantis meel, quæ omnes in se frumenti partes continet & furfur admistum habet, cui scilicet nihil neque polleinis, neque floris, aut furfurum decessit. Ex farina cocti panes συγκομισοί & αὐτοπύροι dicuntur.

4 Post farinam furfures sunt, inutile farinae recrementum: quorum duplex discrimen, & genus: unum quod tenuioribus, & quasi pulueris tritura constat, κυρίθια Græcis, Latinis utriculos, & exta Tritici dici uolunt, Palladio cretura est, Brabantis cort-meel: Alterum crassioribus ramētis Græci σιτυροί, Latini furfur dicunt, Veteres etiam Canicas & Apludas, Brabanti Semelen, Ex his panis factus ῥυπαρός, id est sordidus dicitur, inter quos σιτυρίτης siue furfuraceus, qui ex crassioribus furfuris partibus fit, postremus & reprobatissimus est.

B

Fermentum

HISTORIA FRVGVM.

Fermentum ζυμὴ farina quæ prius subigitur quam sal additur, & relinquitur donec acescat, cuius in subigendo, & pinsendo pane usus est.

Vires & facultates.

Ex Hippocrate.

Triticum fortius est hordeo, et magis nutrit, minus autem per aluum secedit, tum ipsum, tum succus: farina pura in aqua pota frigidificat, & lotura pollinis Tritici: furfurum succus coctus, levis, per aluum secedit: uerum farinæ in lacte datæ magis per aluum secedunt, quàm in aqua, propter serũ, & maxime inter aluum mouëtia numerantur quæcunq; uero farinæ cū melle, & oleo coquuntur, aut assantur, omnes æstuosæ sunt, et ructum cient. Et ructum quidem cient, quia probe alentes nõ secedunt. Aestuosæ aut sunt, quia pinguia, & dulcia, & inter se concordia, nõ eadẽ coctura indigentia, in eodẽ sunt. Similago & Chondrus cocta, fortia sunt, & alunt non tamen per aluum secedunt. Trygis, hoc est Siligo, leuior est Tritico, & quæ ex ipsa sunt similiter, ut ea quæ ex Tritico parantur, & magis per aluum secedunt.

Ex Galeno lib. de alim. facul. I.

Inter Triticæ plurimũ habent alimenti, quæ dẽsa sunt, totãq; substantiã habet adeo cõpactam, ut dentibus uix diuidi quæant, Talia enim exigua
mole

mole, corpora plurimum nutriunt: quæ uero ijs sunt contraria, quæq; dentibus quidem facile franguntur, fractaq; rara ac laxa apparent, magna mole exiguum reddunt alimentum.

Annotatio.

Obseruet hoc loco lector, Galenum consensanea Columellæ sententiæ scribere & Robum Siligini multis modis præferre, Triticum enim quod densissimum est, Robus Columellæ uocatur, quod rarius Siligo.

Ex Gal. de facul. simp.

Triticum uero, ut medicamentum foris impostum primi est ordinis excalescentium, non tamen nec resiccare, nec humectare manifeste potest. Habet uero etiam quiddam lentoris, obsiruentisq; naturæ, porro quod ex eo conficitur Amylū, eo tum frigidius est, tum siccius.

Ex Dioscoride.

Optima è Tritici generibus habentur, ad secundæ uoletudinis usus, quæ recentia & iam perfectè adulta, colorem luteum referunt. dein sequuntur trimestria, quæ nonnullis Sitaria appellantur. Itaq; cruda in cibis, teretes tineas pignunt. Canū morsibus prosunt māsā, & imposita, farina eorum cum Hyoscyani succo illitur, aduersus neruorū influxiones, et interaneorū

B ij inflationes

HISTORIA FRVGVM.

inflationes, lentigines ex aceto mulso tollit: furfures autem in aceto decocti. & calētes illiti lepras pellunt: inflammationes omnes incipientes illiti leniunt, in Rutæ uero decocto elixi mammas turgentes sedant, uiperarum ictibus auxiliantur, & torminosis prosunt.

Sitaniorum farina, contra uenenatos ictus, cum aceto, aut uino commodissime illinitur eadem si decocta in glutini modum delingatur, cruentis excretionibus proderit, contra tussim, & exasperatas arterias cum mentha, & butyro decocta efficax est:

Tritici pollen si ex aqua mulsa, aut hydræleo decoquatur, omnem discutit inflammationem.

Glutinū ex Similagine, & polline quo chartæ glutinantur, sanguinem excreantibus prodest, si liquidum ac tepidum cochlearis mensura detur sorbendum.

Ex Plinio.

GRana tritici ferro combusta, ijs quæ frigus uulneri præsentaneo sunt remedio: farina ex aceto cocta neruorum contractionibus auxiliatur: cum rosaceo uero & fico sicca, mixisq; decoctis suppuratis: Ex aceto & melle lentigini.

Furfures tonsillis faucibusq; gargarisatione prosunt.

Sextus

REMBERTI DODONAEI II

Sextus Pompeius, prætorij uiri pater, Hyspaniæ citerioris princeps, cum horreis suis uentilandis præsideret, correptus dolore podagræ, mersit in triticum sese super genua, leuatusq; siccatis pedibus, mirabili modo, hoc postea remedio usus est.

Vis tanta est, ut cados plenos siccet. Paleam quoque tritici, uel hordei calidam imponi ramicum incommodis, experti iubent, quaque decoctæ sunt aqua foueri.

Siliginis grana combusta, et trita in uino amineo, oculis illita epiphoras sanat.

Trimestris farina melior Zeæ est, ex uino rubro ad scorpionum ictus tepida, et sanguinem excreantibus. Item arteriæ, et tuëticum Caprino seuo, aut butyro, aut fœnogræco, mollißima omnium, ulcera manantia sanat, et furfures corporis, stomachi dolores, pedes et manus cum uino et nitro cocta,

De Panificio.

EXplicatis Tritici et generibus, et partibus, reliquum uidetur, ut de Panificio nonnihil dicamus: ut enim inter ea, quæ ex frumentaceis fructibus parantur, primum tenent locum, ita etiã inter hæc ipsa omniũ præstantißima sunt, quæ ex triticeo genere fiunt: qua de caussa et primaria differentiarum nomina, à triticeæ farinæ partibus

B ij assumpserūt

HISTORIA FRVGVM.

assumpserūt. Panis autem uocabulum à Pano dici Varro putat. Messapios redundantiam & saturitatem appellat Paniam, ut testatur Athenæus, unde ut idem uult, Latini panis nomen deflexerunt.

Panificij Genera, ac Nomina.

Panificij multa et genera, & nomina sunt, quæ uel substantiæ ratione ex qua panes fiunt, uel cocturæ modo, uel alio quouis discrimine differunt. Siligineus σιλιγινίς non græco nomine, ut Galenus inquit, græcis dictus, ex purissima farinæ parte paratur, furfuribus & recrementis carens, dictus Siligineus, non quod ex Siligine Tritici infirmiore genere factus sit (quanquam & ex eo fiat) sed quod ex purissima, & tenuissima parte farinæ, quam florem ac pollinē appellari diximus, parentur. Nam & hæc pars Siligo etiam ueteribus dicta fuit. Quod si non aliunde, ex Celsi loco uel manifestissimum est, ubi Siliginem, Similam, & pollinem inter se confert. Nam nisi Siligo esset Triticeæ farinæ quædam pars, cum Polline & Simila apte comparari non posset, sed potius cum alijs Tritici ac frumentorum generibus comparanda foret. Quæ enim inter se comparantur cognatione, ac similitudinē aliquā habeāt necessū est. Similitudo aut qua tandē Siligini Tritici generi, cū Simi
la

la farinae species siue molui Tritici partes, ut unū
 firminus alere, q̄ aliud dici possit: Siligo enim tritici
 genus conueniēter alere non potest, nisi in simila,
 & farinam prius redacta. Et ut demus integram
 assumptam Siliginem alere posse, firminus certē ali-
 mentum praeſtare non poterit Similagine, cum fur-
 furum & recrementorum expers etiam non sit fu-
 tura. De alia igitur siligine, quæ scilicet Similæ si-
 milis sit, et farinae quoq; quædā pars Celsus scri-
 pſiſſe, conſtabit ad quam collata simila plus ſulphu-
 ris habens, minus firminus alimentum reddit. Idem
 autem & Siliginem eſſe apud Cornelium Celsum
 quod tenuiſſimam farinae partem, inde etiam colli-
 gere licebit, quod ſiliginem in nutriendo firmiſſimā
 eſſe tradat, nam de Siligine Tritici genere, id uerū
 non eſt, quæ multo deterior Robo eſt, & minus nu-
 trit, ut ex Hyppocratis, Galeni, et Dioſcoridis ſcri-
 ptis paulo ante adductis euidens eſt. Laudant enim
 omnes uno ore Triticum quod flauo colore et durū
 eſt, id autem Robus eſt: rarum uero & candidum
 improbant, quod utique Siligo. Verba autem Celsi
 hæc ſunt, libro ſecundo, capite decimo octauo: Ex
 Tritico firmiſſima Siligo, Simila deinde, cui nihil ad-
 emptū eſt, (quod *ἰνὸ πύρον* Græci uocāt) infirmi-
 or eſt ex polline: infirmiſſimus cibarius panis, in q̄
 bus animaduerſione dignū eſt, non ſolū q̄ diximus

HISTORIA FRVGVM.

Siliginem idem esse, quod purissimam farinæ partē, uerum & Similam illo seculo dictam, quam posteriores, & nos paulo ante farinam, & ἀλευρον appellauimus, farinam scilicet integram cum furfuribus, cui nihil discessit, inter quam & florem media nostra est Similago. Deinde pollinem idem Celso esse, quod impurior farina, quam plurimū furfuris habens. Nam nisi Pollen huic sordidior esset farinæ pars, & maxime furfuracea, ex eo infirmisimum, & cibarium panem fieri neutiquam traderet, per cibarium enim intelligo quem πύραρον, siue sordidum alio nomine dicimus. Neq; est quod pollinem audiamus subtilissimam illam farinæ partem, parietibus in pistrinis adhærentem, nā ex hoc panem parari nemo scripsit, & ne cogitauit quidem, ut opinor, & ut parari posset, non uideo ubi tanta huius tenuissimi pulueris copia haberi possit, ut panem inde coquere quis uelit. Sed ut & hoc demus refractarijs nostris, parabilem eius esse copiam, tenerum certè, et purissimum esse oportebit, ex tenuissima scilicet, et nobilissima farinæ parte concinnatum, tantum abest ut sordidus, aut cibarius dici mereatur. Sed ad institutum, à quo longius digressi sumus, reuertamur. Siligineus itaque panis, non à Siligine Tritici genere, sed à puriori Triticeæ farinæ parte, nomen inuenit.

Vocant

REMBERTI DODONAEI. 13

Vocant autem hunc Brabanti communi et uernaculo nomine Witten broot, hoc est album et candidum panem, et quia ditiorum mensis infertur nonnullis locis, heeren broot, hoc est dominorum panem.

2 Similaccus, siue similagineus, q̄ ex Simila fit. Græci σμιλᾶλιτηρ nominant Brabanti *fijn terwen broot*, est q̄ à Siligineo proximus.

3 Αυτοπύρε ex omnibus farinae partibus, nulla de tractione constat, inter Pityriam et Semidalitim medius. Vocatur et αὐτοπυρίτης, ξεροπυρίτης, et πύριον Athenæo, non ab igne, sed à Tritico, quod πύρε dicitur nominibus deflexis, item et συγκομισ, quasi confusaneus, quoniam castratus non sit, sed omnia simul tulerit, ab Hippocrate etiam Anerectos, ab alijs ἀλευρίτης, id est farinaceus, uulgo grof teruen broot.

4 Post autopyros panes sunt, quos Græci πῦρᾶρος Latini sordidos nominant, qui plus furfurum habent quam similæ, et è farina, ex qua flos, et tenuissima Siligo cribro excussa est, parantur, cuiusmodi olim seruis, et pauperibus dabatur, unde et cibarius, et gregarius dictus fuit. Sed tener, et niueus molliq̄, Siligine factus, Seruabatur domino, ut Iuuenalis inquit Sat. quinta. Sordidum panem olim et Ciliciū, qui magnus erat uocabāt, et à colore sub-nigro

HISTORIA FRVGVM.

nigro Phæon, & Agelæon, Ρακκίυς, Canicaceū,
Fest. Pompeius acetosum.

Ex horum genere est πιπυρίς, siue furfurace- 5
us, cui plurimum furfuris inest.

Zymites siue fermentatus, qui in coctura fer- 6
mentum accipit, nastos etiam dicitur.

Aζυμος non fermentatus, sine fermento fa- 7
ctus, qui & daratos.

Καίβαυις furnaceus, siue quod idem est, Cri- 8
banites, à Clibano, quem Attici Cribanum appel-
lant, Varroni Testuaceus dicitur, quod in testeo ca-
lido coquatur, nam quod Clibanum græci, Latini
testum dixere, ex horum genere sunt quos & Ca-
minitas uocant, in minoribus furnis cocti.

Aescharites, à craticula, sub finem cœnæ conui- 9
uis apponi solitus, & intingi passo usque ad ebrie-
tatem legitimam, ut Hermolaus scribit.

Subcineritius εὐκρύφας, sub cineribus coctus,
qualem apud Hebræos olim in usu fuisse legitur. 10

Dipyritos, siue Dipyrites idem & διπύριτος
Latine biscoctus, qui bis ignē expertus est. Ex his 11
uidetur nauticus esse, uetus ac siccus à Dioscoride
in Medicina dictus. Sūt uerò & alia nonnulla panifi-
ciorū genera, quorū differentiā peregrinarū rerum
mixtura efficit, de quibus nihil nobis dicēdū uidetur
sicuti neq; de itrijs et placētis, cū earum innumeræ
sint

REMBERTI DODONAEI. 14
sint differētia, & peculiarem omnino tractatio-
nem posu'ent.

Vires & facultates.

Ex Hippocrate.

PAnis ex tota farina collata, siccatur & per al-
uum secedit, purus autem magis nutrit, minus
uero secedit. Ex ipsis porro panibus, ferment-
tatus quidem levis est, & secedit. Et levis quidem
est, quia a fermenti acere humiditas consumpta est,
quæ sane alimentum existit, secedit autem, quia ci-
to concoquitur, non fermentatus secedit quidē mi-
nus, nutrit autem magis. Qui succo subactus est, le-
uior est, & multum nutrit, & per aluum secedit.
Nutrit: quia purus est. Levis est, quia leuissimo sub-
actus est, & fermentatus ac tostus ab eodem, per
aluum secedit, quia passo & aluum mouēte Tritici
parte permixtus est. Ex ipsis autē panibus maxi-
mi maxime alunt, propterea quod minus exurunt-
ur ab igne, & furnacei panes magis alūt, q̃ foca-
rij, et ueruarij, propterea quod minus exuruntur ab
igne, Ciliario autē cocti, & subcinericij siccissimi
sunt. Hi quidē propter cinerē, illi uero per testā hu-
more priuati. Similagine omnium horum fortissimi
sunt, & adhuc magis, q̃ ex Chondrosiūt, valde que
nutrūt. Verū nō similiter secedūt. Penes calidi se-
cedūt, frigidi minus, gracilitatē autē quandā inducūt.

Ex

HISTORIA FRVGVM.

Ex Gal. de fac. alim.

INter panes Siligineus plurimum alimenti præstat: post ipsum autem, Semilaceus: tertio loco, medius, qui *συγκομισός*, *ἁντόπυρος* dicitur: quartum post hunc est sordidorum genus, in quibus furfuraceus est postremus, minimumq; omnium nutrit, & omnium maxime per aluum secedit: concocti autem inter panes, sunt facillimi qui plurimum sunt fermentati, & pulcherrime subacti, quinque in clibano igne moderato fuerunt assati. Porro qui fermento omnino caret nemini prorsus est accommodus.

Omniū optimi sunt Clibanitæ ad eum quem præscripsimus modum tum assati, tum ad assationem præparati, proximi autem ipsis sunt, qui in minori furno assantur, *ἰπνίται* nuncupati, eodem uidelicet quo prædicti, modo præparati: sed quia in profundo non similiter assantur, prauī omnes sunt ut qui inæqualiter se habeant, nam partes ipsorū extimæ supra modum sunt assatæ intimæ autem crudæ. Cæterum *ἱῖς* quos, propterea, quod cineribus tecti assantur, sub cineritios nuncupant, cineres ipsi prauitatem aliquam aspergunt, quapropter omnium panum (si ipsis cætera omnia ante pariter adfuerint) quod ad assandi saltem modum attinet, præmodum dixerim esse deterrimos.

EX

Ex Lib. de Facult. sim.

Quod ex pane fit Cataplasma, uim habet magis digerentem, quam quod ex Tritico, nimirum cum & salem, & fermentum panis adiuncta habeat: quippe cum fermentum uim habeat attrahendi, digerendique ea quæ in alto resident.

Ex Dioscoride:

Panis & crudus, & coctus cum aqua mulsa inflammationes omnes illitu mulcet: quum emolliat, et quadamtenus refrigeret, sed herbis succisue huic rei accommodatis misceatur, uetus panis aridus, adiectis conuenientibus, citam aluum cohibet. Recens, muria maceratus, illitu uetustas impetigines sanat.

Ex Plinio:

Panis ipse quo uiuitur innumeras pene continet medecinas, ex aqua enim & oleo, aut roseo mollit collectiones, ex aqua mulsa duricies ualde mitigat. Datur ex uino, ad discutienda ualens, aut quæ perstringi opus, & si magis etiam nū ex aceto, aduersus acutas pituitæ fluxiones, quas Græci reumatismos uocant, item ad percussa luxata, ad omnia autem hæc fermentatus, qui uocatur autopyros utilior, illinitur et paronichijs, et callo pedum in aceto ueteri. Nauticus panis tusus atque iterum coctus sistit aluum.

Vocis

HISTORIA FRVGVM.

Vocis studiosis, & contra distillationes succum esse, primo cibo utilissimum est. Sitanius incussa in facie, aut diluamata, cum melle aptissime curat. Cā didus & gris aqua calida frigidaue madefactus lenissimum cibum præbet. Oculorum tumori ex uino imponi ur. Sic & pustulis capitis, aut adiecta arida myrto. Tremulis panem ex aqua esse ieiunis statim à balneo demonstrant. Quin & grauitatem odorum in cubiculis ustus emendat, & uini in saccis additus.

De zea. Cap. iij.

Genus.

ZEa duorū genere ū est, ut Dioscorides inquit, una cuius grana in singulis tunicis gemina, altera cui simplicia, & in singulis putaminibus singula.

Zeia. Zea.



HISTORIA FRVGVM. FORMA.



Ea Tritico similima est, & ut Theophrastus ait, firmissima, copiosissimaq; fruticat: multiplicē, & altam radicem effundit: culmo numerofo, & alto surgens: spica nullis ariftis uallata, fructu fuae grano, multis folliculis inclufo, alias leuiffimo, & cunctis animantibus admodum iucūdo: lætum pingueq; folū defiderat: Græciæ quondā peculiaris nūc pluribus nationibus cōmunis: tradit hāc Theophrastus libro fecūdo cap. 5 in Triticū mutari, fi à folliculis purgata feratur, fed nō ante triennium, in qua etiā Plinius fententia eft, hunc in modum de Zea fcribens: Apud Græcos Zea eft, traduntq; eam ac Gyphen, cum fint degeneres, redire ad frumentum, fi pistæ ferantur, nec protinus fed tertio anno. Primum genus uno folliculo, fuae gluma, gemina continet femina. Alterum simplicius, unum tantum granum completitur.

Nomina.

Zea Græcis, Latinis Zea, et à frugis præstia Semē dicitur, Italis & Brabātis Spelta, Germanis Speltz, et dinkelkorn. Gallis Espeaultre. Primū genus à duobus granis Græci δίκόκκον cognominant.

Alterum

Alterū genus simplicioris grani peculiare cogno-
mē nō habet, neq; ueteribus, neq; recēioribus, neq;
etiā q̄ sciā alicui nationi uulgare: nā q̄ Fuchsius et
pleriq; alij simplicioris grani Zeā esse existimāt ger-
manis Sanct Peeters korn, id est diui petri frumētū
dictū, ex Zeæ generibus neutiquā esse potest, spicā
enim habet aristis cinctā & q̄ ex eo panis parat̄, ni-
ger est, et sordidus, ut inqt Tragus: Zeæ aut spica
mutica est, panis uero Triticeo nō multo inferior:
unde euidenter apparet, diui Petri dictū frumētū nō
Zeā esse, sed ad Trachicā BriZā p̄pius accedere.

Vires & facul.

Ex Gal. de alim. fac.

Zea nutrit Hordeo ualētius, tum stomachū in-
uat: panis ex ea fit, qui minus tritico nutrit.

Ex Gal. de simp. med. facul.

Zea uniuerſa ſua facultate quodāmodo in
medio est tritici, & hordei. Ex Dioscori.

Zea magis nutrit, quā hordeū: ori ſuauis est,
digesta in panificia minus quā triticū alit.

Ex Plinio.


Zea farina efficacior, hordeacea uidetur;
hæc Plinius, neq; de eius uiribus plura ha-
bet, quæ enim his ſubnectūtur, Trimeſtris, id est Se-
tanij facultates ſunt, ex Dioſcoride ad uerbum fe-
re transcriptæ, quod miror, non animaduertiſſe
eos, qui temere plures uires ex Plinio, Zeæ aſcrip-
ſerunt, & in ſuos commentarios tranſtulerunt.

C

DE

HISTORIA FRVGVM.

Olyra. Arinca.



FORMA.

Olyra Zeæ quædā species, ut Dioscorides ait. Tritico quoq; natura similis, et in id cultu transiens, culmo est Triticeo: spica aristis quibusdam uallata, maiori et ponderosiore quā farris, authore Plinio, grano folliculis incluso, à quibus Theophrasto teste nō facile exteritur, ob id iumenis dari ab Homero dicta.

Nomina.

Olyra latinis Arinca dicitur, ut Plinius libro XVIII. Capite X testis est, de Arinca enim scribens, hæc est inquit, quam Græci olyram uocant: unde & errare eos manifestum est, qui Olyram Siliginem latine interpretantur. Arincam enim à Siligine Plinius distinguit, & præter hæc Siligo ut supra diximus, Tritici est secundaria species, Olyra autem, Dioscoride teste, Zeæ. Olyra Germaniæ nota. quod enim hac ætate Amelkorn, hoc est quasi dicas Amyli, aut Amyleum frumentum, inde quod ex eo Amylum paretur, nuncupant, uera est Olyra. Culmo siquidē, & grano Tritico, Zeæq; simile est, spicam habet hordeo simile, aristis cinctam: ordine grana disposita, folliculis inclusa, ex quibus panis etiam laudabilis paratur. quæ omnia, cum Olyræ descriptione, tam exacte

C ij conueniunt

HISTORIA FRVGVM.

conueniunt, ut dubitari non possit, Amileum frumē
tum idem cum Olyra esse: non leuiter igitur ballu-
ciantur, qui Amileum frumentum, idem cum Seta-
nio esse existimant, reclamante etiam ipso sationis
tempore. Amileum enim autumnopassim apud
Germanos seritur, Setanium solum uere. Nisi enim
uere sereretur Setanium non esset: uerna enim sa-
tio, ut Columella dicit, Setanium efficit.

Vires & facultates.

Ex Ga. de fac. alim.

O Lyra eiusdem cum Zea generis est, sed mi-
nus aliquanto nutrit, panes quoque ex hac fi-
unt, qui post triticeos, sunt præstantissimi.

Ex Gale. de facul. sim.

O Lyra mediam Tritici, & hordei naturā pos-
sidet, tam ut medicamentum, quam nutrimē-
tum, ex illis igitur, de istis colligito.

Ex Dioscoride.

O Lyra in panes, ut Zea cogitur, sed minus ali-
quanto nutrit.


Ex Plinio:

EX Arinca dulcissimus panis: hac decocta fit
medicamentum quod Aegyptij Atharam uo-
cant, infantibus utilissimum, sed & adultos il-
linunt eo.

DE

REMBERTI DODONAEI.19

Τυφί Thypha



HISTORIA FRVGVM

De Typha Cereali.

FORMA.

TYpha calamum unicum eumque tenuem, ut Galenus inquit, Habet spicam aristis longis, multis, & asseris uallatam, quod ex Pauli Aeginetæ Medici omnium post Galenum lōge doctissimi, loco de curatione quartanæ apparet, ubi narium uasa, Typha ut sanguinem fundant, conuulnerare præcipit, nisi enim Typha aristas haberet, non posset narium uasa lædere, & sanguinem ad effusionem proritare. granum eius Triticeo longe exilius, corpus coactum, & densum habens, & multiplici folliculo inclusum est, ut Olyra, cū qua quadam cognatione iungitur, sic ut Mnesitheus Typhen, & Olyram omnino idem frumenti genus esse existimauerit, quod tamen Galenus repræhendit. Aliud Typham, et aliud Olyram esse ostendēs. Typha enim deterior est, & spicam habet longe maioribus aristis cinctā, q̃ Olyra, et quod ad naturalem colorem attinet, in Olyris est albus, in Triticis est subflauus. Typhæ aut Triticis sunt flauiores. Typha aut Tritico ut & Zea natura quodā modo similis est, in Triticum enim & cultura multa conuertitur. Sed ex ijs quæ Tritico similitudine naturæ iunguntur leuissima omniū Typha, ut Theophrastus ait, & a Tritici natura longius recedit, quæ
de

REMBERTI DODONAEI. 20

de causa & solum gracilius, nec uti Zea aut triticum pingue, fertileque exposcit.

Quaquam non desint, qui ipsum quoque in tritici numero ponant, uelintque id semen esse cuius Homerus meminit cum Hectorem equos suos alloquentem facit his uerbis.

Τὸν αὖτ' ἐπὶ προτέρῳσι μὲν φρονέοντα πύρον ἔειπεν.
id est, uobis erim primum prædulce Triticum ferebam. Aiunt enim Typham paruum Triticum esse, eamque equos sine noxa mandere. Verum autem Triticum, non sine noxa, nec absurde certe Typhā quis Triticum exile uocauerit, cum ei & colore, & densitate, et caliditate sit assimilis.

Nomen.

TYpham Græci τυφάρι nominant, recentiores cerealis cognomen adiiciunt, Typham Cerealem appellantes, ad differentiam uide licet alterius Typhæ, de qua Dioscorides scribit, quæ in arundinetis, & palustribus nascitur, & uulgo nota est.

Typha autem Cerealis esse uidetur frumentum illud genus, quod Germani welsch weyßen. Brabanti Roomsche terue, id est, Triticum Italicum, aut Romanum nuncupant. Culmo siquidem est tenui quatuor genicula habente, grano Triticeo, sed multis ut Zea tunicis, et glumis implicato,

Ciiiij

spica

HISTORIA FRUGVM

spica multis aristis ut hordei, et asperioribus circumuallata. Quod in Alsatia copiose provenit, ubi à rusticis aprorum causa studiose seritur, inter omnia enim frumenta, nullo magis hoc apri abstinent, quod aristis huius plurimum offendantur, ut Hieronymus Tragus, inter Germanos diligentissimus, et rei Herbariæ non uulgariter doctus tradit. Ex quibus manifestum est in grauissimo et maximo eos uersari errore, qui hoc frumenti genus, Germanis Italicum triticum cognominatum. Siliginem esse existimant, nam Siligo ut Plinius inquit, aristis caret.

Vires & facultates.


Ex Gal. de Alim. facul.

Typkini panes, post Triticeos, secūdi ab Olyrinis sunt, q̄ si Olyrini, ex uitioso semine sint facti, Typkini non erunt eis inferiores. Calidi uerò panes ex laudatissima Typha facti, olyrinis longe sunt præstantiores, asseruati uerò, deteriores seipsis euadunt. Cum enim massa eorum sit tenax, ac ductilis densatur maiorem in modum, et maximè cum negligenter parati fuerint, adeo ut q̄ panem huiusmodi, post unum aut duos dies, ac multo magis sequentes aliquot comederit, putaturus sit lutum uentriculo suo inesse. At calidus adhuc cum est, ab ipsis etiam urbanis expetitur ipsum

ipsumque cum caseo quodam mandunt, quem uer-
naculo uocabulo oxygalaëtinon appellant. Porro
hunc quoque tenerum esse oportet, & ipsum panẽ
calorem clibani adhuc retinere. Qui certe in
hunc modum est assatus, non rusticis modo, sed ur-
banis quoque hominibus in delitijs est. Qui ue-
rò trium quatuorue dierũ est, uel ipsis rusticis man-
ditur insuauius, præterea concoctu est difficilior,
ac tardius per aluum subducitur, quæ calido minia-
mè accidunt, qui tametsi hordeaceo, quod ad
deiectionem pertinet, multum relin-
quitur, non tamen in eo adeo
ut miliaceus est uituperã-
dus. Quin etiam cor-
pus admodum, dum
calidus est nutrit
ut pene Triui-
ceo syncomi-
sto par sit.

HISTORIA FRVGVM

Zcopyron.



FORMA

Zeo pyron frumenti genus, medio inter Triticum, et Zeam est loco: grano corticis experte, ut Tritici cetera Zea simile, ut et nomen ipsum ex Zea, et pyro, id est Tritico compositum indicat. Serebatur olim ut Galenus tradit in frigidissimis Bythiniae locis, prope Niceam, Prusam, Craetopolim, Claudiopolim, Heliopolim, & Dorylen, quod quidem extremum est Phrygiae Asiaticae oppidum.

Nomina.

Apu'd Bythinos Zeopyron prima syllaba non habente iota dicitur. In Cappadocia, ut inquit Galenus *γυμνόχυρον*, id est hordeum nudum, ac corticis expertum appellatur, Germaniae uero rura hac aetate kernsamē, quod quidem cum Zeopyro idem omnino esse inde apparet, quod culmo et spica simile sit, ac Zea: grano uero glumis explicato, rufo et Triticeo non dissimili, ut de eo Hieronymus Tragus scribit: utriusque scilicet, Zea inquam, & Tritici naturam, & similitudinem referens, quod soli Zeopyro proprium est, quam etiam ob causam, nisi kernsamē Zeopyron sit, quid tandem sit, et quo nomine appellari debeat, dicere non possum, neque enim far est, ut Tragus existimat, quia far, ut Plinius inquit, a folliculis difficillime expurgatur, neque chodrus ut
alij

HISTORIA FRVGVM

alij uolunt. Chondrus siquidem non naturale
frumenti genus, sed ex Zea fastitium quid est.

Vires & facultates.

Ex Gal. de alim. facult.

Ex Zeopyro panis fit præstantior, quam qui in
Macedonia, aut Thracia ex Briſa conficitur:

Ac fere quemadmodum nomen ipsum Zeopy-
rum, ex utroque nomine Zea scilicet & pyro, id
est tritico componitur, sic & substantia eius, inter
utrumque media quodammodo est, ut si ex utroque
esset commista: proinde quanto Tritico est de-
terius, tanto Thracia Briſa est præstan-

tius. Videre autem est panem

qui ex hoc semine conficitur,

tanto eo, qui ex briſa in


Thracia, & Macedo-

nia fit esse meliorem

quãto Triticeo

est deterior.


REMBERTI DODONAEI 23
Βριζα. Briza.



HISTORIA FRVGVM.

De Thracica Briza. Cap. 7.

FORMA.



BRIZA à Galeno medicorum principē in Thraciæ, & Macedonia agris inuenta frumenti est genus, culmo spica que Typhæ Græcorum persimile: grano rufo, & folliculis, ut Zea inclusio: ex quo panis fit grauis odoris, ater, & ut Mnesitheus scribit, mē branosam substantiam habens.

Nomina.

QUod ueteres Thraciæ, & Macedones auiho re Galeno Brizā uocauere, uidetur id esse, quod hac tempestate Germani Dinkorn nominant: frumenti genus, quod spica est, quā Zea minori, uerum ut hordei aspera, & aristis munita, semine ex rubore ueluti nigricante, ex quo, ut inquit Tragus, panis niger, ater & grauit̃r olens cōficitur: cum Brizæ enim qualicūq; descriptione, quam ex Galeni scriptis habere potuimus, rectissime conuenit: Typhæ siquidem similis est ut ex delinatione apparet, & quæ ex eo parantur panificia eiusdem omnino generis, cū ijs quæ ex Brizā, sunt Ex quibus certe rationibus, satis euident̃r esse uidetur, Germanorum Dinkorē Thracicā esse Brizā, à Thracibus olim in Germaniam: ut uerisimiliter credi potest, inuectam, & nullo modo ex Zea generibus

neribus ut nonnulli nostræ ætatis medici existimant, aut farris ut a'ij, haberi posse: Zea enim, & far sine aristis sunt. Ex Zea uero & panes fiunt optimi, & Triticeis non multo inferiores.


Vires & facultates.

Ex Mnesitheo.


PANEM ex Briça nemo assatim citra sanitatis dispendium mandit. Quod si quis ei pani non assueuerit, etiam si minimum sumpserit, ægrotabit: est enim grauis & concoctu difficilis: Qui uero regionem colunt uehementer frigidam, eo semine coguntur nutriri, ipsumque serere quod frigoribus per strenue resistat. Atque hi principio quidem, paulatim edere assuescunt, tum quia ingrati odoris est cibus, tum quia rarus est in huiusmodi regionibus frugum proventus: Post autem, quod familiare sit edulium, accidit, ut facillime in corporibus conficiatur: in summa autem statuere oportet Briçam grauem esse ac concoctu difficilem, firmam, ac membranosam.

HISTORIA FRVGVM.

Secale, Rogghe.



REMBERTI DODONAEI 25
Secale. Rogghe.



D

HISTORIA FRVGVM.

De Secali. Cap. 8.

FORMA.

SEcalis solus Plinius meminit, qui hæc de eo tradit: Rarū dictū esse aliquid cui proffit negligentia, id autem quod Secale & farrago dicitur, occari tantū de- siderat. Secale Taurini sub Alpibus Asiam uocant: Aterrimum (ita enim puto legendū, non quemad- modum exemplaria uulgata habent deterrimū) & tantum ad arcendum famem utile: fœcunda sed gra- cili stipula, nigritia triste, sed pondere præcipuum. Admiscetur huic far ut mitiget amaritudinē eius, & tamen sic quoq; ingratiſſimum uentri est: Nasci- tur qualicumq; solo cum centesimo grano: ipsumq; pro letamine est: hætenus Plinius.

Nomina.

FRumenti hoc genus uulgo notissimum est, nam quod Galli Latinam ut fere sit dictionem de- prauantes Seigle uocant Germani Rockē Bra- banti Rogghe uerum Plinij Secale est. Stipula siqui- dē est Roggha & culmo Tritico, sed graciliori & porrectiori spica aristis horrida, ut hordei sed mi- noribus, & innocentioribus, nō erecta sed fere pro- cūbente, et ideo rubigini quod imbres contineat o- portuna: grano glumis explicito, caduco, tristi. ni- gricante, strigoso, ponderoso, macriori & minori
quam

quā Tritici, ex quo panis niger & grauiſſimus fit: niſi Triticum ei admiſceatur, quod fere in læto & fecundo ſolo cum eo ſeritur: duplici enim ratione ſeritur aut ſimplex, aut admiſto Tritico. Miſcellaneā hanc ſegetē nominant uulgo Miſtellyn Galli Miſtel. Naſcitur quocunq; ſolo, quantumuis gracili & arido, ut in Campaniæ Brabantiae agris uix ferendo gramine conuenientibus, in meliori tamen ſolo melius & præſtantius prouenit. Ea quoq; per hyemen in Gallijs ut Ruellius ait, iumentorum pascendumq; pabulo cedit, quibus etiam pro letamine eſt. Quid multa tam exquisitè omnibus modis Roggha cum Secali. Pliniano conuenit, ut qui diuerſa eſſe exiſtimare uelit communi ſenſu uideatur deſtitutus: non enim ouum ouo tam ſimile eſſe poteſt, quam Roggha cum Secalis deſcriptione per omnia reſpondet.

Hallucinantur igitur non leuiter qui Rogghan id eſt Secale Siliginem & Tritici genus ſine ſpeciem eſſe autumant: nullam enim, quemadmodum ex iam dictis apparet, cum Siligine cognitionem habet. Ex Siligine ſiquidem panis fit lautiffimus, candidiſſimus leniſſimus Romanæ olim nobilitati familiaris, nunc etiam ditiorum menſis gratiſſimus. Ex Secali niger, grauis, ad famem arcedam meſſoribus, & foſſoribus utilis: qui

D ij ueteraſcens

HISTORIA FRVGVM.

uetera scens ac rorem & sitim contrahit: Item Siligo
semper rectam habet spicam, nec rorem continet,
qui rubiginem faciat, ut Plinius inquit. Secale uero
procumbentem, & ueluti pendulam quæ imbrē &
rorem concipit, & rubigini multum obnoxia est,
præterea Siliginis spica nullas habet aristas: cōtra
Secalis aristis munita est: illi deniq; granum candi-
dum leue, crassiusculum: huic uero nigricans strigo-
sum, & graue. Postremo Siligo pingue & cultum
solum amat, in gracili & sicco non prouenit: Seca-
le nullum fugit & in quantumuis arido se seri pa-
titur. Dicitur autem Secale etiam farrago Plinio:
non quod propriè farrago sit, sed quia farraginis
loco bubus detur. Est autem farrago propriè, id
quod ex multis frugibus pabuli causa seritur, ut
ex Hordeo Vicijs, & leguminibus, uel ex recremē-
tis farris, ut apud Plinium legitur: farrago, inquit,
ex recrementis farris prædensa seritur, admixta
aliquando & uitia. Atq; inde farrago quod far sit
ferro cæsum, aut quod primum in farracea segete
seri ceptum, ut Varro inquit, dicitur, farrago enim
id generaliter nominatur, quod iumentorum pecu-
dumq; pabulo cedit, & quod antequam maturescat
demetitur: siue Hordeum, siue Triticum, siue aliud
quoduis frumenti genus, ut apud Columellam &
Plinium uidere est: quorum ille quidem farraginem
ex

ex Hordeo facere, hoc modo docet lib. secund: Farraginem in restibili stercoratisimo loco, & altero sulco serere conuenit. Ea fit optima cum Cantheri ni Ordei decem modijs iugerum obseritur, circa æquinoctium Autumnale sed impendentibus pluuijs, ut consita rigataque imbribus celeriter prodeat, et confirmetur ante Hyemis uolentiam, nam frigori bus cum alia pabula defecerunt, ea bubus, cæteris que pecudibus optime defecta præbetur. & si depascere sæpius uoles, usque in mensem Maium sufficit. Plinius uero etiam ex Tritico Farraginem quandam esse testatur: Et Tritici inquit, pars aliqua pabuli est quadrupedum caussa sati, ut farrago. Atque inde est, quod Secale, etiam farrago dicitur. Per hyemem enim pabuli loco pecudibus data olim fuit, & nunc in Gallijs teste Ruellio datur. Secale igitur Farrago dicitur, non quod proprie farrago sit, sed quia farraginis loco in pabulum pecudibus cedat.

Vires, & facultates.

Secale Tritico in calefaciendo digerendoque sualentius est, eamque ob causam panis ex hoc factus, aut fermentum in cataplasmata addita, promptius tumores discutiunt, & citius abscessus rumpunt, quam ex Tritico & farina coacta.

D iij Farina

HISTORIA FRVGVM.

Farina eius syncomistos, grauiſſimos, & diuti-
nos capitis dolores ſedat, ſi in linteo capiti circum-
ligetur, diſc utit enim & per cutim digerit humo-
res craſſos, qui in alto ſunt, ut mihi ſæpius comper-
tum eſt.

Panis obſtruentis aliquid naturæ habet, & diffi-
culter concoquitur, maxime ſi furfurum expers
ſit. nam autopyros et qui ſimul omnia recipit, non
tam ægre conficitur, & citius deſcendit: ubi autē
confectus fuerit, alimentum ſolidum & firmum fa-
cit, utilis autem eſt his qui in laboribus & exerci-
tio uerſantur, & uentriculum habent calidum &
robuſtum: inutilis uero qui in ocio & quiete de-
gunt, tum et ijs qui uentriculum languidum & im-
becillum habent. Pulticula ex flore farinæ, & te-
nui cereuiſia facta, capite dolentibus, ægrè dormi-
entibus, & melancholicis datur: quod miri & ſuaui
quodam uapore caput implens ſomnum alliciat, &
dolorem ſopiat.

De Oriza. Cap. 9.

FORMA.

ORIZA Lolij aſpectu frumentum eſt, folia
habet carnoſa, porro ſimilia, ſed latiora: cul-
mum cubitalis altitudinis: florem purpure-
um: radicem gemmeæ rotunditatis, non ſpicam,
ſed ueluti iubam, Milij modo effundit, grana conti-
nente

REMBERTI DODONAEI 28

nentem Zea, siue semini dicto similia, magna parte temporis in aqua residentia, quæ pista, ut Chondros concoctu facilia redduntur, in riguis palustribus nascitur. Italici quidam inquit Plinius, maxime Oriſa gaudent, ex qua ptisanam conficiunt, quam reliqui mortales ex hordeo.

Nomina.

ORiſa Germanis, Rijs, Gallis, Riſon dicitur, frumenti genus, ipso grano notissimū, quod tamen non nisi pistum, purgatumque, nobis ex Hispania aduehitur, quo hodie Gallia, & Brabantia familiarissime utuntur, ex Oriſa ptisanam, cum lacte coquentes boni alimenti cibum, & palato gratissimum ex eo parantes.

Vires & Facultates.

Ex Gal. de Aliment. Facult.

Semine hoc omnes in sistenda aluo utuntur, ipsum eodem modo, quo Chondrum coquentes: difficilius tamen quam Chondrus conficitur, & minus alit, ceu utique et in edendi suauitate, ab ea quamplurimum relinquitur.

Ex Gal. De fac. simp:

Oriſa astringentium quippiam habet: quare medio

D iij criter

HISTORIA FRVGVM.

riter aluum sistit.

Ex Psello

Oriz̃a astringit uētrē, difficilius cōcoquitur chōdra

Ex Dioscoride.

Mediocriter alit, sed aluum suppressit.

DE HORDEO.

Genera.



Enera Hordei cōplura: spicæ alijs grā
diores rarioresq; cōstāt: alijs mino-
res, frequentioresq;: alijs distātiores,
à folijs, alijs proximiores, ut Achilleis
cognomine. Et Hordeorū ipsorum aliud rotūdius,
minusq;: aliud oblongius, maiusq;, atq; in s̃tica ra-
rius. Itē aliud candidū, aliud accedens ad purpurā,
quod & farinā reddere copiosius creditur, & cō-
tra hyemem, et flatum, et in totū contra cœli muta-
tiones, candido ualentius esse uidetur. Est in hor-
dei genere & aliud binis uersibus distichū uocāt:
aliud ternis, quaternisq; cumque plurimū senis, &
Polystichū nominant. Iam & Hordeū nostra æta-
te aliud Autūno seritur, quod Hyemale dicitur: ali-
ud Martio, quod Trimesire nuncupare licebit. Est
et genus quoddā, inquit Theophrastus, Hordei syl-
uestris, quo & panē suauē cōficiunt, atq; Chōdrū
bonū. Id Græcorū equi cū principiomāderent, inte-
ribāt, deinde paulatī cū paleis assueti nil ledebāt.

κρίδῳ

REMBERTI DODONAEI 29

κριδίη. πολυσίχη

Hordeum


Polystichum.



HISTORIA FRVGVM.

κ₂λει₂ δ₂ισ₂χ₂η

Hordeum distichum.



REMBERTI DODONAEI 30
FORMA.



Vlmo Hordeum est Tritici fragiliori,
& breuiori, senis octonisque genicu-
lis articulado: folio scabriore, latiori-
q: spica mordaci arista cineta, a folijs
magis quam in Tritico eminente, granis oblongis
foliculis inclusis, quae ordine & in uersus quosdā
disposita sunt, graciliori solo proficere potest.

Hordeum Achilleis uocatū spicam gerit erectā,
et eruginosum, tā candidum, quam nigrum est.

Eteocrithum incuruum a rubigine tutum, pluri-
bus uersibus spicatur, & fere semper spissius, posi-
tuque arctius constat.

Quod in duos tantum uersus spicatur, rarius est.

Autūno satum culmo est maiori, et firmiori, spica
que pluribus uersibus disposita, citiusq; maturescit.

Trimestre teneriori est culmo, paucioribusque
in spica uersibus.

Nomen.

Hordeum, Graecis κριθά dicitur, Germanis et
Brabantis gersten, Gallis Orge, Chymistis
lutum Vulcani. Recta spica nascens. Achil-
leis ab Hippocrate Achilleias cognominatur, quod
incuruā spicā habet Eteocrithon. Pluribus uersib:
spicatu, Polystichū dicitur, & a Columella Cāthe-
rinum dictū uidetur. Germanis grosse gerst. Quod
paucioribus distichū, a Colum. galaticū, Germanis
Kleyne

HISTORIA FRVGVM.

Kleine gerst: Autumno satum hyemale hordeū
uulgo nominant. Brabanti wintergerst. Ver-
num fere æstiuum, nos ausi fuimus Trime stre ap-
pellare. Brabanti Zomer gerst.

Vires & Facultates.

Ex Gal. de Facult. Aliment.

Hordeum non eandem cum Tritico facultate
tem habet: Siquidem Triticum palam calefa-
cit, Hordeum uero non modo non calefacit,
sed quoquo modo eo utare, siue panes ex eo fece-
ris, siue Ptisanam coxeris, siue polentam feceris,
uim quandam refrigerandi habere cernitur. Dis-
det præterea à Tritici natura, succi specie, quam
utrumque ipsorum gignere consuevit. Siquidem Tri-
ticum, crassum ac lentum est: Hordeum autem tenu-
em, & nonnihil deterforium succum in nobis giga-
nit. Quoquo igitur modo Hordeum paraueris, nun-
quam corpus calefacit: sed uarie pro modo præpa-
rationis humectat ac siccatur. Panes Hordeacei
Triticeis multo minus alunt, qui tamen ex præstā-
tissimo hordeo conficiuntur, minus à Triticeis in
eo superantur: qui uero ex laxo, ac leui, panibus
furfuraceis respondent. Panes autem ex hor-
deo eiusmodi citissime per aluum subducuntur, q̄ re-
liquis non minimum accidit, si Triticeis eos contu-
leris. Sunt autem non modo Triticeis, uerum etiā
Olyris

REMBERTI DODONAEI. 31

Olyrinis, et multo adhuc magis Typhinis friabili-
ores, nihil in se lentoris, ut illi habentes. Ex quo
perspicuum est, quod exiguum corpori præbent ali-
mentum, et potissimum si facti ex peiore hordeo
fuerint, ex quo Hyppocrates ne Pisanam quidem
fieri uoluit: neque enim dum coquitur, succum copi-
osum ex seipso emittit. Laudatissimum autem est,
quod candidum, ubi pinsitum est, apparet, nonnihil
que densitatis, ac ponderis (quantum Hordeo datum
est) habet. Porro quod totum plenum est,
& circumscriptionem externam habet tensam, me-
lius eo est, quod gracile est, ac rugosum.

Ex Galeno de Facult. simpl.

Hordeum primi est ordinis in exiccando, &
refrigerando: habet etiam paucillum abster-
sionis, paulo etiam plus desiccatur, quam fari-
na fabacea, cui non insint cortices: cætera uero si-
milia sunt foris utentibus, in cibo autem hoc Fa-
bis præstat, quod flatuosam naturam exuat: fabis,
quantumcunque coxeris, flatuosa natura remanet,
sunt enim crassioris essentiae, quàm Hordeum: quam-
obrem eo plus etiam alunt: Porro quoniam utrun-
que paulum modo à medio recessit, multo sunt usui,
nam talia medicamenta multis alijs miscentur, ceu
materiae quædam.

Ex

HISTORIA FRVGVM.

Ex Dioscoride.

Hordeum optimū est candidū purumq; id mi-
nus quā Triticū alit, ptisana tamen ob crea-
more in decoctione redditū, plus alimenti
præbet, quam polenta, ex Hordeo facta: Contra
acrimonias: atq; gutturis scabrities, exulceratio-
nesq; pollet, quibus etiam Triticæa Ptisana præsi-
dio est, sed plus alit, magisq; urinam mouet: lac ab-
unde suppeditat, si cum fœniculo semine, decocta
sorbeatur, Hordeum abstergit, urinam ciēt, inflati-
onem parit, stomacho aduersatur, œdemata conco-
quit: farina hordeacea decoquitur in mulsā aqua cū
fico, ut inflammationes, œdemata discutiat, duriti-
es cum resina & fimo columbarum concoquit: Cū
meliloto autem & papaueris calyce dolores finit,
qui latus excruciant, aduersus intestinorum infla-
tiones, cum lini semine, fœno græco, & Ruta, illini
iuvat strumas cum pice liquida, cera, oleo, & impu-
bis pueri urina, ad concoctionem perducit: & cum
myrto aut uino, aut malicorio, aut syluestribus py-
ris, aut rubo, alui profluvia sistit, podagricis inflam-
mationibus, cum coloneis aut aceto prodest deco-
cta in acri aceto, modo quo Hordeaceum cataplas-
ma, & calida imposita, lepris medetur. Cremor ue-
ro farinæ ex aqua, atq; cum pice, & Oleo deco-
ctus, puri mouēdo est, cum aceto subactus itidem:

¶

REMBERTI DODONAEI. 32

et cum pice contra articulorum fluxiones prodest:
farina ex his aluū cohibet inflāationesq; mitigat.

Ex Plinio.


Farina ex Hordeo & cruda, & decocta, colle
ctiones impetusq; discutit, lenit & concoquit,
decoquitur alios in mulsa aqua, aut fico sicca:
ad iecinoris, dolores eam in posca positam cōcoqui
opus est, aut cum uino: Cum uero inter coquendū,
discutiendumq; cura est, tum in aceto melius, aut in
aceti fæce, aut coloneis, pyrisue decoctis ad multi
peditum morsus cum melle, ad serpētum in aceto, &
contra suppurantia, ad extrahendas suppurationes
ex posca, addita resina & galla, ad cōcoctiones ue
ro, & ulcera uetera cum resina, ad duritias cum fi
mo columbino, aut fico sicca, aut cinere, ad neruo
rum inflammationes, aut intestinorum, uel laterum
uel uiriliū dolores, cum papauere, aut meliloto, &
quoties ab ossibus caro recedit, ad strumas cum pi
ce, & impubis pueri urina: cum oleo & Fceno græ
co contra tumores præcordiorum, uel in febribus
cū melle, uel adipe uetusto: Suppuratis Triticea fa
rina multo leuior: Neruis cum hyosciami succo il
linitur. Ex aceto, & melle lentigini.

κίχρ

HISTORIA FRVGVM.

κένχρος.

Milium.



De Milio Cap. II.

FORMA.



Milium ex una radice plures fundit cau-
les, geniculatos, arundinaceos: non spi-
cam, sed iubam, hoc est effusam arun-
dinaceam comam gerit: florem lanugi-
neum: semen paniculis, siue multiplicibus follicu-
lis pendulis inclusum: radice est alta, numerosa &
capillata. Milium æstate seritur, & intra quadra-
ginta dies, ut Theophrastus author est, metitur ce-
lerrime enim perficitur: aquarum minus quam reli-
qua frumenta indiget, copiosioribus etiam offendi-
tur, nam cum plus habet folia dimittit. Semen plus
centum manet annos, si condatur quo uenti non
perueniant.

Nomen.

Milium Latinis, κένχρος Græcis, nonnullis Cē-
chrys dicitur. Hippocrati Paspale dictū ui-
detur, ut Hermolaus inquit, Germani
Hirs, Galli millet nuncupant, officinis & uulgo
medicorum notum.

Vires & facultates.

Ex Hippocrate.

Milij grana ac paleæ siccāt, et uentrē sistūt,
& cū ficibus, fortibus doloribus cōferūt:
ipsum aut Milium coctum alit, nō tamē aluo secedit.

E

EX

HISTORIA FRVGVM.

Ex Gale. de facul. alim.

PAnis qui ex milio fit, exigui est alimenti, frigidus, præaridus, & friabilis, nihil enim in se habet, neq; lentoris, neq; pinguedinis: iure ergo aluum humentem desiccat, ueluti & Panicum, quo tamen ad omnia est præstantius, suauiusq; editur, facilius concoquitur, uentrem minus sistit, magis nutrit.

Ex Galeno de Facult. simpl.

Milium primo ordine refrigerat, exiccat uero tertio, aut certe secundo intenso paululum etiam habet tenuitatis. Ex hac, tū consistencia, tum temperatura esu quidem plane inter omnia fere frumentacea edulia minimum confert nutrimenti. Sed & uentrem desiccat, porro foris impositum in sacculis, idoneum est fomentum ijs, qui citra morsum exiccati postulant: & cataplasmatibus modo illitum exiccare potest: attamen admodum friabile est: proinde difficilis est eius in cataplasmatibus usus.

Ex Dioscoride.

Milium in panes coactum, minus cæteris frugibus alit, sistit fulte sua aluum, urinā cit. Torretur milium, feruensq; in sacco ponitur, ut torminibus, reliquisq; doloribus, si foneatur, auxilio sit.

EX


Ex Plinio.

Milio sistitur alius, discutiuntur tormina, in quem usum torretur ante: neruorum doloribus, & alias feruens in sacco ponitur: neque aliud utilius, quoniam leuissimum mollissimumque est, & caloris capacissimum. Ita que talis usus eius est, ad omnia quibus calor profuturus est, farina eius cum pice liquida, serpentum & multipedæ plagis imponitur.

E ij Milium:

HISTORIA FRVGVM.

Milium. Indicum.



FORMA



iliū indicū culmo est prægrandi, crasso, arundineo geniculato, quinū senūve pedū proceritate: folia habet lata, longa & arundinea: spicam in summo caule muticā, multiplicem, & iubæ fere modo, multifidam, pendulam, uacuam, & nullum semen proferentem, florescentem tamen, flore purpureo, rubeo, luteo aut candido. A laterc caulis ex internodijs prodeunt, crassæ, oblongæ, membranosæ uaginæ, in quibus spicæ prægrandes & crassæ, multis arundineis folijs inuolutæ latent, grana continentis ampla. Erulicæ fere semini æqualia, coloris purpurei, rubei, lutei, aut candidi, quæ in uersus & ordines, arctissime composita sunt: ex quarum summo filamenta quædam capillorū instar, tenuia propendent, quæ marcessentia semen maturuisse docent.

Nomen.

HOc Frumenti genus ut peregrinum est, & a paucis annis, in Germania, Gallia, & Brabantia seri septum, ita etiā antiquum, quod sciam nomen non habet, præter quod Plinius huic Milio Indico indidit, quod Neronis principatu in italiam cōuectum scribit. Hac ætate frumentum Turcicum, aut Saracenicum nominatur.

E iij

inde

HISTORIA FRVGVM.

inde quod ex Asia, aut Græcia, quæ Turcarum imperio modo parent, aduectū existimetur. Germani Turkisch corn, Brabanti Torsch coren, Galli ble de Torquie nominant.

Vires, & facultates.


Milium Indicum in nutriendo Triticeis omnibus frumentis, ipsoque Hordeo lōge est inferius, substantiam enim habet siccam, aridam, ac friabilem, nihil lentoris continentem. Panis qui ex eo apparatus, mediocriter candidus est, sed siccus ueluti biscoctus, durus et friabilis, difficilis concoctionis, nullum corpori alimentum, aut perquam exiguum suppeditans, tarde descendens, et aluum ualenter constringens, ueluti ex Milio factus. in cataplasmatibus farina addita citra morsum desiccare potest.

ELVA

REMBERTI DODONAEI 36

Ελυμος.

Panicum.



HISTORIA FRVGVM,


De Panico.

Cap. 13.

FORMA.

PAnicum Milij similitudine profilit, denis ad minimum folijs luxurians: culmo arundinaceo paulatim in surculo extenuato, multis geniculis, & subinde duodecim articulado, spica languida nutante, molliter hirsuta, rubido fastigio, cum longissima pedali, prædensis acervata granis, multiplici folliculo intectis, purpureis, nigris, rufis, aut candidis. Minus cum in folia exit rigari desiderat, nã & crebra aquatione folium demittit, ut Milium, sed ualidius milium, dulcius Panicum, & infirmius: purgari non nisi tostum, ut Milium potest. Calidis & siccis regionibus seritur: leuem, & solutam terram desiderat.

REMBERTI DODONAEI, 37.
Sorghi.



HISTORIA FRUGVM.

EX Panici quoque genere esse uidetur, quod Sorghi hæc ætas nominat, frumenti genus, quod culmos fundit, ab una radice quaternos, quinosue, crassos, rubicundos, geniculatos, & circa hos folia arundinea, ampla, & magna, spicam ferens Panico maiorem, densiorem, barbatam, in qua semen rufum, lentis magnitudine, pluribus, tunicis inuolutum continetur.

Nomen.

PAnicum Græcis ἄλυσμα nonnullis μέλιον, aut μέλιον, uocatur. Diocles medicus mel frugum appellauit. Germanis Heydelpfenich, aut Pfenich. Brabantis panickoren dicitur. Latini à Paniculis, in quibus semen continetur, nomen Panico dedere.

Aliud peregrinū frumētī genus Itali Sorghi nominant. Germani welschen hirs, aut Sourgsomen. Galli fourment barbu, aut bled barbu.

Ruellius, loculare, à multis ueluti oculis in quibus semen continetur

Nonnulli Panicum peregrinum, aut Panicum Indicum cognominant, idipsum uidelicet ex Panici genere esse uolentes, quorum sententia probabilior multo est, quam eorum, qui hoc inter farris genera numerant, nā cum farre nullam cognationem, aut similitu

REMBERTI DODONAET. 38

similitudinem habet, cum Panico autem multam, licet ipsum magnitudine superet.

Vires & Facultates.

Ex Gal. de Facul. Alim.

PAnis qui ex Panico fit, ut & is, qui ex Milio, exigui est alimenti, frigidus, præaridus, friabilis: nihil in se habens neque lentoris, neque pinguetudinis, quare & aliu humentem desiccatur, nihil enim suauitatis Panico inest.

Ex Gal. de Simp. Med. Facult.

PAnicum facultate pauci nutrimenti est, & exiccatoria: sistit quoque nonnihil ventris fluxus, ceu Milium. Si uero foris illinatur, exiccat atque refrigerat.

Ex Dioscoride.

PAnicum eodem quo Milium modo, in panes subigitur, eosdem habet usus, minus tamen & nutrit, & stringit.

Ex Plinio.

PAnicū effectus habet quos Milium, in uino potum, prodest dysentericis, similiter ijs, quæ uaporanda sunt, excalfactum imponitur: sistit aluum, in lacte caprino decoctum, & bis die haustum: sic prodest & ad tormina.

De Avena.

Cap. 14.


Genera.

Avena


HISTORIA FRVGVM.

A Venæ recentiores duo numerant genera, *ſati-
uinū, & ſylueſtre, quæ à ueteribus, quia res
diuerſæ ſunt, & nominibus diſtinctæ, non ſub uno
genere cenſentur, quos hac in parte imitari uolen-
tes, Auenam eam tantum deſcribemus, quam ſati-
uam nominant, quæ ſcilicet uera eſt βρόμη. Syl-
ueſtrem aliam, quæ non ex frugum, ſed uitiorum
eſt genere. A Græcis ἀργιλόπα aut γιλόπα nuncu-
patum prætermittentes, non enim frugum
uitia, ſed fruges, ipſaque frumen-
ta hoc libello explanare
inſtituimus.*

Βρόμος. Avena.



HISTORIA FRVGVM. FORMA.



Vena, culmo geniculato, folioq; Triti-
cum emulatur: in cacumine ueluti iu-
bam emittit, ex qua dependentes par-
uulas ueluti locustas bipedes gerit: in
quibus semen conditum continetur oblongum &
superiori parte molli, breui, paruoq; capillo hirsu-
tum, radicibus nititur copiosis.

Nomen.

A Vena Græcis Βρόμος Germanis Habern;
Brabantis Hauere, Gallis Auoyne dicitur
officinæ Latinum nomen seruant.

Vires & Facultates.

Ex Ga. de fac. alim.

A Vena iumentorum est alimentum, non homi-
num, nisi utique aliquando extrema fame,
ad Panes ex ea conficiendos compellantur. Ci-
tra famem autem cocta, ex aqua manditur, cum ui-
no dulci, aut sapa, aut mulso, nō aliter quā Typha:
Caliditate autem sufficienter particeps est, ut &
illa, quanquam non æque dura: ex quo minus quoq;
corpus nutrit, & panis qui ex eo fit, alioqui est in-
suaui, non tamē aluum, aut sistit, aut proritat, sed
quod ad id saltem pertinet, medium locum obti-
net.

Ex lib. de facul. sim.

Auena

A Vena, ut medicamentum, simile Hordeum obtinet, nam illita desiccatur, & digerit medio crite, & sine morfu: temperiem autem habet paulo frigidior, nonnihil etiam astringentis obtinet ut ventris profluvia iuuet.

Ex Dioscoride.

A Vena ad Cataplasmata utilis, uti Hordeum pulve huius aluus sistitur, prodest tussientibus in sorbitione succus.

Ex Plinio.

S Emen utile ad cataplasmata, atq; Hordeum & similia: prodest tussientibus succus.
Auenæ farina, in aceto cocta, tollit nenos.

De Tragotropho. Cap. 1.

Hoc semen quamvis frumentacei cerealibusque frugibus simile non sit, quia tamen nonnullæ nationes, eo veluti frumento utuntur, inter frumentacea, aliquem locum iure habere, existimauimus: familiare autem est plerisque Germaniæ locis: notissimumque his, qui Brabantiæ Campaniam incolunt, qui hoc semine & frumenti loco sepe numero utuntur, & uiridem herbam, antequam semine maturuerit, desectam pabuli loco pecudibus exhibent, cuius gratia potissimum, & id ipsum seruant.

Tragotrophon

HISTORIA FRVGVM.
Tragotrophon.



REMBERTI DODONAEI 41
FORMA.

Tragotrophon scapo exit rubente, genicula-
to, cubitali, aut altiori, alis multis Brachiato:
folium fert hederæ, aut Smilaci proximum,
uerum mollius, ac minus: florem paruum candidum:
Semen in pericardijs, ut Malacocissi triangulum, co-
loris cineritij. Seritur arido, & macro solo, neq; ullū
respuit: gaudet imbribus: cito prouenit, celeriterq;
maturescit.

NOMINA:

Hoc genus siue frumenti, siue pabuli, Germa-
ni Heiden korn. Brabanti bock wejdt, hoc
est hirci pastum, nominant: ad quod alluden-
tes Tragotropho diximus. Quamq; nonnullis uiris
doctissimis magis placeat, faginum Frumentū ap-
pellari, qui uernaculam nomenclaturam, non ab hir-
ci pastu, sed à fago deflectunt: Buecken siquidem
fagum significat.

Apud ueteres nullum quod sciam nomen habet, nō
enim Columellæ, aut Varronis Ocymū illud est,
quod pecudibus pabuli loco datur, ut nonnulli er-
rore ducti existimant: nam Ocymum illud de quo
agriculturæ scriptores scribunt (quod ab Ocymo
odorata herba differt) ueluti farrago quædam est,
omnium Herbarum, & leguminum pabuli causa sa-
torum, & aut æquam siliquos ferant demessorū:

F

Ita

HISTORIA FRUGVM.

Ita ut Ocymum istud. Varroni, Plinio, & Columellæ nihil aliud sit, quam pabuli nomen, quo omne genus segetum continetur, quod pabuli causa seritur, ut Varro lib. secundo, capite trigésimo primo, manifeste tradit, de Ocymo scribens: Id genus pabuli sunt, inquit, segetes uirides sectæ, antequam siliquas ferant. Et multo etiam apertius Plinius libro decimo octauo, capite decimo sexto: Apud antiquos, inquit, erat pabuli genus, quod Cato Ocymum uocat quo ciebant (sic enim legendum Cato docet, non ut uulgaria exemplaria habent sistebant) alium bubus, id erat è pabulis segete uiridi dissecta ante quam gelaret. Sura Manilius id aliter interpretatur, & tradit fabæ modios decem, uiciæ duos tandem & Eruiiæ in iugero autumnino misceri, & seri solitos, melius & Avena græca, cui non cadit semen admixta. Hoc uocitatum Ocymum, bouumque causa, seri solitum, uarro appellatum, à celeritate proueniendi ait. Huc usque uerba Plinij. Ex quibus sane manifestissimum est, Ocymi nomen nulli Herbae (excepta odorata) aut frugis peculiare & proprium esse, sed de omnibus Frugibus pabuli causa satis, quæ antequam siliquæ proueniant, demetuntur, dici. Nihilque aliud Ocymum quam pabuli commune nomen, ueluti & farrago, esse: nec non & Tragotrophon istud, aut frumentum

tum faginum, à nobis appellatum, neutiquam Ocymum appellari posse, nisi quatenus ante maturitatem demessum pabuli loco pecudibus datum fuerit. Qua de causa, & temere à nonnullis Ocymum appellatum esse. Hic tamen error ferendus uideri poterat (eo quod in Ocymum, id est pabulum nonnunquam cedat) nisi errorem errori accumulantes, de hoc Ocymo pabuli genere, Dioscoridem lib. secundo cap. centesimo trigesimo quinto de Ocymo, scripsisse adjicerent, cum tamen nullam omnino Dioscorides Ocymi pabuli mentionem fecerit, sed solius Ocymi Herbæ odoratæ quam recentiores Græci Βαρδακόν nominant. De quæ Dioscorides scribit Galenicæ doctrinæ consona, haud dubie uerissima sunt. Quanquam recentiores, qui gaudent novas sequi hæreses, in crassa rerum ignorantia uersantes, huic contrarias facultates tribuant, & cor roborare: spiritus uitales augere: & tristitiam pellere existiment.


VIRES ET FACULTATES.

TRagotrophi semen in panes coactū, quod subinde necessitate urgēte fit, exiguū corporali mentū præstat: humidus enim admodū est panis qui ex eo fit, & cito descēdit. Ex farina eius cū
 F ij aqua subacta

HISTORIA FRVGVM.

subacta panificij quoddam genus, in sartagine fit, aut crassior quædam pultricia, quæ pane etiam citius descendunt, & minus nutriunt, sed urinam pro- uocant. Capones, Gallinæ & pulli Gallinacei hoc semine citissimè pinguescunt, & suauem ac lauda- bilem carnem colligunt, sed oua Gallinarum impro- bi saporis fiunt.

DE FABÆ. Cap. XVI. FORMA.



Aba folio exit rotundo: caule uni- co, inani, nullis distincto interno- dijs, firmo, atq; erecto, qui nullo ad- miniculo eget, sed solus sine peda- mento stare potest ueluti & lupini. Floret diu, & particulatim, subinde alijs atq; alijs floribus prodeuntibus. Semen fert in siliquis abso- lutissimæ rotunditatis, paruum atq; tam numero- sum, ut & unus scapus centum onustus fabis in- uentus olim fuerit, quod facile eruginem sentit, & animalcula in se creat (quas Mydas appellant) & humorem maximè ad se trahit: corpore enim est ra- ro, soluto atq; eualido. Radice nititur parua, nec ad modū numerosa. Quadragesimo à satione die Faba emergit: imbribus in flore gaudet: cum siliquas pro- duxerit maxime offenditur: utroq; tempore affla- tum uehementiorem nō fert. maximè post florem,

CUM

REMBERTI DODONAEI. 43
cum adhuc humida teneraq; est.

N O M E N.

Kύαμος Græcis, latinis Faba dicitur, Officinis,
& uulgo ignotissimum legumen, quanquam
olim nulli non notissimum, & tam palam cognitum
fuerit, ut formam effigiemq; eius, nullus ueterum
ex industria, & proposito tradendam duxerit: sic
ut & uere fabæ descriptione nos carere oportea-
ret, si non sparsim scripta quædam superessent, ex
quibus Fabarum forma disci possit. Quæ nos in
unum corpus ueluti diuulsa membra contraximus,
ex ijs quæ apud uarios authores sparsim, & obiter
scripta inueniri potuerunt, unam continuam histo-
riam, formam faciemq; Fabarum explicantem, con-
stituentes. Ex qua quale legumen sit quod antiqui-
tati fuit frequentissimum, & Pythagorico symbo-
lo damnatum facile cognoscere erit: tum & uidere
legumen illud quod uulgo Fabarum nomine falso
circunfertur, multum a Fabarum similitudine rece-
dere, quod & in subsequenti capite facta utriusq;
leguminis collatione, apertius ostendemus. Cur au-
tem Pythagoræ symbolo Fabis uesci interdictum
fuerit, quia multorum ingenia sollicitauit, & inter-
pretum uariæ sunt interpretationes, facturum me
non ingratum lectori existimaui, si quod nobis de

F iij

eo

HISTORIA FRVGVM.

eo symbolo uisum fuerit, hoc loco interiecerimus. Videtur autem nobis nihil aliud Pythagoras hoc Symbolo admonere, quam auaros esse detestandos, & ab omni auri argentiq; immodica cupiditate abstinendum. Per fabas enim eum enigmaticè intelligere auaros auriq; insaturabilem famem existimo, atq; ad Mydarum uermiculorum qui Fabis innascuntur, nomen alludere, qui idem cum auarissimo quodam Myda nomē habet. Qui auri pecuniæq; sitiētissimus, & inexplebili auri fame detentus Iouem etiam rogasse dicitur, ut quæcunq; contrectaret, aut corpore contingeret, in aurum uerterentur. Aqua immodica cupiditate, & pariter ab auarorum hominum consortio, omnes philosophiæ studiosos abesse uolens, à Fabis abstinendum, ut diximus, præcepit. Nam qui auro, argento, & opibus inhiant, nunquam ad perfectam sapientiam peruenire possunt.

VIRES ET FACULTATES.

EX HIPPOCRATE.

Fabæ alunt, aluum sistunt, & inflant. Inflant, quia meatus aliud insuper accedens alimentū, non suscipiunt. Aluum sistunt, quia totam alimentī fecem habent.

EX

REMBERTI DODONAEI. 44
EX GAL. DE ALIM. FACVL.

Flatulentus cibus Faba est, etiam si cocta diutissime fuerit, ac quouis modo parata. Habent autem substantiam Fabæ non densam, nec grauem sed fungosam, ac leuem: quæ uim quandam habent detergendi. Apparet enim perspicue ipsarum farina, sordes à cutè detergere, quod mangones, & mulieres intelligentes, in balneis quotidie farina Fabarum utuntur, quemadmodum alij nitro, atq; aphro nitro, & in summa detergentibus: hac præterea & faciè inungunt, tollit enim lentes, quæ in summa cute apparèt, & quæ uocant ἰφῆλις: ob quam sanè facultatem uentrem non cunctanter permeat, ut quæ crassi sunt succi, ac lenti, quæq; nullam detergendi facultatem habet. Cum autem Fabarum puls sit flatulenta, multo adhuc magis erunt flatulentæ, si quis integris ipsis coctis utatur. Si tamen frixæ fuerint (quidam enim hoc modo. Tragematum uice utuntur) flatum quidē deponunt, sed concoctu sunt difficillime, tardeq; prætereunt, & crassi succi alimentum corpori exhibent. Quod si uirides, priusquàm maturæ sint, atq; exiccatae edantur, idē eis accidet quod fructibus omnibus, quos ante perfectam maturitatem mandimus, humidius scilicet alimentum corpori præbebunt: obq; id excrementosius, non in intestinis modo, sed in toto etiam habitu.

F iiij Merito

HISTORIA FRUGVM.

Merito igitur Fabæ eiusmodi minus quidem nutriunt, sed promptius deijciuntur.

EX GALE. DE SIMPLI. FACVL.

Faba in utroq; medijs temperamenti proxime est in exiccando, & refrigerando. Caro eius paulum quoq; abstergentis facultatis cōtinet, sicut putamen nonnihil astringentis, idcirco medicorum nonnulli totam Fabam cum oxycrato decoctam dysentericis, celiacis, uomentibus, quos emetikus nominant, exhibuerunt. Porro ut edulium, flatulenta est, ac coctu difficilis, si quid aliud: excreationibus ex pectore & pulmone idonea, ut medicamentum uerò foris imposita, desiccet innoxie. In podagricis ea sepe numero usi sumus ex aqua cocta, & ita adipi suillo admista. Ad neruorum tum contusiones, tum uulnerationes, farinam eius cum oxymelite imposuimus. Ad eos quos ex icu iam Phlegmone occupauerat, cum polenta. Sed & testium, & uberum aptum est cataplasma. Nā hæ partes cum Phlegmone tenentur, moderate refrigerari amant, maxime cum ubera ex lacte in ipsis concreto Phlegmonem patiantur. Quin lac quoq; ab eo cataplasmate extinguitur, sicut puerorum pubes farina fabacea illius plurimo tempore glabra permanet.

Ex

REMBERTI DODONAEI 45
EX DIOSCORIDE.

Faba inflationem excitat:egre concoquitur:tu-
multuosa somnia facit:ruſſi confert: carnem
gignit:media calidi frigidiq; natura: decocta
in poſca, & cum ſuo cortice eſitata, dysenterias, &
cœliacorum profluvia ſiſtit: Contra uomitiones
conuenienter manditur:inflatio lenior contrahitur,
ſi aqua prior inter coquendum abijciatur: uiridis
plus negocij ſtomacho exhibet, maioremq; flatum
parit. Lomentum eius & per ſe, & cum polenta il-
litum inflationes quas uulnus excitauit mitigat: ci-
catrices concolores facit:turgentes grumoso la-
cte mammas, etiam ſi inflammatione tententur, ad-
iuuat:Lac reſtinguit: furunculos, ſugillata, paroti-
dasq; cum ſcœnigræci farina & melle diſcutit: cū
roſa autem thure & oui candido, procidentes ocu-
los, tumores uuaſq; reſprimit: ſubaſtum uino, ſuffu-
ſiones, & iſtus oculorum recreat. Manducata
ſine corticē Faba, ad auertendas fluxiones fronti
illinitur: decocta in uino teſtiū collectiones ſanat:
quo tardius pubes erumpat, pueris imo uentri illi-
nitur:uitiliginem purgat. Fabarum cortice illiti ca-
pilli, qui poſt euulſionem renaſcuntur, gracileſcūt,
& minus alimenti capeſſunt:cū polenta, ſciſſo alu-
mine, & uetere oleo impoſiti cortices ſtrumos diſ-
cutiunt:

HISTORIA FRVGVM.

cutiunt: decocto earum lanæ inficiuntur. Faba dem-
pto cortice in illas partes diuisa, in quas suapte na-
tura scinditur, imponi solet sanguinis defluxioni-
bus ab hirudine concitatis: namq; eas suppressit, si
semisecta apprimatur.

EX PLINIO Lib. XXII.

Faba hebetare sensus existimatur, insomnia
quoq; facere: solida fricta feruensq; in acri ace-
to coiecta torminibus medetur: in cibo fressa,
& cum allio cocta, contra deploratas tusses, sup-
purationesq; pectorum, quotidiano cibo sumitur:
& commanducata ieiuno ore, etiam ad furunculos
maturandos, discutiendosue imponitur: & in uino
decocta, ad testium tumores, & genitalium. Lomē-
to quoq; ex aceto decocto, tumores maturat, at-
que aperit. Item liuoribus combustis medetur: uoci-
eam prodesse author est M. Varro. Fabalium etiam
siliquarum cinis ad coxendices, & ad neruorum ue-
teres dolores cum adipis suilli uetustate prodest.
Et per se cortices decocti ad tertias sistunt aluum.


DE PHASELO. Cap. XVII.

GENERA.

Phaselus unus maior fructu latiori, alter
minor, fructu minori, et magis tereti: uter-
que satiuus. Est uero & syluestris aterri-
mi & rotundi grani.


Phaselus

Phaselus. Sativus.



HISTORIA FRVGVM.

Phaselus. Sylvestris.



FORMA.

Satiuus Phaselus scapo exit quadrato, inani geniculato. recto, qui tamen sine pedamento, si solus sit uix consistere potest, sed adminiculo, quo sustentetur eget: folio non rotundo, sed longo carnosso, & crasso: flore candido atris quibusdam maculis notato, aut purpureo: Siliqua lata, crassa interiori parte floccida, molli & candida, in qua terni aut quaterni fructus continentur candidi aut purpurei (duum enim est hic generum candidus scilicet & purpureus) magni lati & unguis humani similitudine, subinde maiores, pondere tres etiam obolos æquantes.

Aliud satium genus priori simile est caule, folijs, flore, & siliqua, sed omnibus minoribus: fructu tamen non æquè lato sed magis tereti.

Sylvestris phaselus folio & caule satiuus quoque adsimilis est, nisi quod folium in capreolos desinat, & caule minus firmo & teneriori sit. Siliqua huic latior foris nigra, interiore parte mollis, & modice floccia, in qua grana prodeunt rotunda ut eruiliæ: colore aterrima: gustu admodum insuauia, & fœtore quodam dum mandantur os implentia.

Nomina

HISTORIA FRVGVM.

NOMINA.

SAtiuum Phaselorum genus omnibus notissimū
est, quanquam non eo nomine. Quod enim Ger
mani & Brabanti Bonen, Galli Febues, Offici
næ, & nostræ tempestatis medici Fabam nomināt,
uerus est Phaselus & omnino idem cū eo legumine
quod à Dioscoride, libro secundo, capite centesi
mo, Phasiolus per ἰωτα secunda syllaba si scripta
nominatur, alius tamen à Phaseolo per ἦτα secun
da syllaba notata. Trysyllabus enim φασιλος, &
φασηλω, Tetrasyllabo differt: ut primo de alimen
tis libro Galenus tradit. Et in hanc quid em opinio
nem nos in primis induxit formæ, cum Phaseolis,
qui Dolichi dicuntur, similitudo, utriq; enim forma
lata, & minime rotunda, & Fabæ quidem uulgari
ter nuncupatæ moles maior, Phaseolo uero siue
Dolicho minor: unde et Dolichi Phaseoli quasi par
ui Phaseli, diminutiuo nomine, dicti uidetur. Quod
si recipimus, omnino fabas istas uulgares, Phase
los esse confitendū erit. Nullū enim reperitur legu
men Dolicho fructu ipso similis, cuius collatione
Phaseoli id est parui Phaseli dici possunt, eo quod
hactenus pro Fabis habitū est. Sed quod omniū maxi
me nos mouet, & nouū coëgit uulgaribus Fabis no
mē querere, ingēs in primis & plane manifestū fuit
inter

inter ueras, & communes Fabas discrimen, & dissimilitudo tam magna, quam quæ maxima. In nullis siquidem, aut certe perpauca, communiter Fabæ appellatæ, cum ueris Fabis conueniunt: quod multis rationibus demonstrare aggredimur, ab ipso primum caule demonstrationis exordium sumentes. Faba inter legumina sola, excepto Lupino, ut Theophrastus inquit, caule est unico, firmo, qui sine pedamento erectus stare potest: uulgare autem istud legumen, à uulgo Fabarum nomine donatum, non unicū tantum caulem sed subinde etiā tres ab una radice fundit, qui etiam uel minimæ causæ aduentu in terram decidunt, potissimum quando istud legumen seorsum satum prouenerit.

Iam & Fabarum legumen fecundum admodum est, ut & unum scapum centum onustum Fabis, inuentum Plinius tradat: ab hac autem fecunditate multum nostræ deficiunt. Ad hæc Fabarum figura exquisitè rotunda est: uulgaris uero leguminis lata, & longa. Rotundam autem esse Fabarum figuram, ex eo colligere licet, quod rotunda semina, & quæuis alia eius formæ, Fabis apud ueteres comparata fuerint, quemadmodum in Xyri, apud Dioscoridem uidere est, cuius rotundū semen Fabis cōparatur. Quin & Galenus ipse, undecimo de simplicibus Onis-

HISTORIA FRVGVM.

Cuiſcos, quos multipedas, ſiue polypodas Scribo-
 nius appellat, etiam Cyamos, id eſt Fabas appella-
 ri ſcribit, quod ubi ſeſe in globum conuoluerint, ef-
 culentis Fabis ſint ſimiles, hoc eſt absoluta ro-
 tunditate conſpicui. Item & primo de alimentis,
 de uitia & Aphace capite, manifeſte figuram Faba-
 rum eſſe rotundam innuit, hunc in modū ſcribens:
 horū ſeminum, inquit, figura non eſt rotunda ueluti
 Fabarū. Iam & Cornelius Celfus Achrocordones.
 Thymos, Epinyctidas, rotūda, uidelicet tubercula,
 fabiſſimilia eſſe tradit, ut certe dubitare nemo poſ-
 ſit, quin uerarum Fabarum figura ex omni parte
 rotunda, & inſtar abſolutiſſimæ pilulæ ſit. Quod
 ſi uero iam & molem, ſiue quantitatem ueræ fabæ
 conſiderare lubet, noſtræ certe uulgares Fabæ, ue-
 riſ multo reperientur maiores, ut quæ ſolæ ſemi-
 drachmam pendeant, cum tamen uerarum illarum
 ſex, aut etiam plures, eam non attingant, ſex enim
 Fabæ Aegyptiæ ſemidrachmam ſolum pendent,
 quæ ueras, & Græcorum olim communes Fabas,
 magnitudine, ut in libro de ponderibus Galenus
 teſtis eſt, ſuperant. Paruam quoq; Fabarum quanti-
 tatem eſſe, ex eò apparet, quod minutiffima quæ-
 que, quæ uidelicet in aurium meatum incidere poſ-
 ſunt, hiſ comparentur: Si calculus, inquit, Galenus,
 aut Faba, aut conſimile quippiam, in auditorium
meatum

meatum illapsum fuerit. Si enim in aurem Fabæ incidere possunt, exiguas, & omnino paruas eas esse necessum est. Facit quoque ad hæc, quod Attici Aphacem & uitiam etiam Cyamum, id est, Fabam nominant, ut Galenus quoque ait: nimirum quia parua, & quantitate Fabis persimiles. Ex his certe manifestissimum est, ueras Fabas admodum paruas esse, & uulgari isto legumine, quod Fabarum nomine falso circumfertur, multis modis minores: Omitto iam & alia argumenta, ueluti Fabas sero ut Theophrastus scribit prodire, & subinde uigesimo die etiam primum apparere, uulgares autem celerrime nasci: illas imbribus offendi, has meliores reddi: & si quæ sunt similia argumenta, quæ cœli, regionum, aut locorum diuersitate accidere, dicere quispiam posset. Abundè enim argumentorum adductum puto, quibus uulgares Fabas, à ueris Fabis, multum abesse doctum sit. Cum igitur istud uulgare legumen, Faba non est, reliquum est ut Phaselus sit, ut sicuti fructus forma à Phaseoli fructu non multum dissidet, ita & nomine quodammodo conueniat.

Syluestris Phaselus à nobis dictus, an ueteribus cognitus fuerit, non facile dixerim: uerisimilius uidetur fuisse incognitum. Quanquam in suspicionem uenire aliquis posset, esse syluestre illud Cicer,

G quod

HISTORIA FRVGVM.

quod Dioscorides scribit satiuo non esse dissimile, quod omnino hunc Phaselum esse existimauerim, si similitudo in solo spectanda esset grano, & non in folio, & scapo, quibus à satiuo Cicere differt, ad Phaseli formam magis accedens. Atq; ea de causa nobis magis Phaselo quam Ciceribus adnumerandus uisus est.

VIRES ET FACULTATES.

EX GAL. DE FAC. ALIM.

Phaselus medium quodammodo locum obtinet, inter ea, quæ succum bonum, & prauū generant: inter concoctu facilia, & difficilia: tarde & celeriter transeuntia: flatulenta & flatu expertia: parum & multum nutrientia. Nullam enim effectricem habet qualitatem, instar quorundam, quæ acres, aut austeros, aut acerbos, aut salios, aut amaros, aut dulces habent sapores.

EX DIOSCORIDE.


Phaseli inflant, spiritus cient, ægre concoquantur, uirides cibo aluum emolliunt, ad uomitiones idonei.

Phas

REMBERTI DODONAEI

Phaseolus. Δολιχος.

50



Gij

HISTORIA FRVGVM.
DE PHASEOLIS SIVE DOLICHIS.

Cap. XVIII.

FORMA.



Phaseolus, siue Dolichus, tenuis
& longos habet caules, uicinis
fruticibus aut prælongis peda-
mentis affixis, circumuolutos, qui
in tantum adollescunt, & scandūt,
ut Tabernacula & Topiarias sce-
nas, ac æstiuæ umbracula uestire possint: folia ueno-
sa, hederæ similia terna ex uno pediculo: siliquas
longas, in quibus semina rebus similia, colore aut
candido aut luteo, aut purpureo, aut nigro, aut ua-
rio, quæ cum siliquis ipsis etiam eduntur.

NOMINA.

Φασκίλιος per u secundæ syllabæ scripta, ab Hip-
pocrate, Theophrasto, & Diocle δολίχης à longi-
tudine siliquarum dicitur, quas lobes, & lobia, id
est siliquas, speciali nomine appellāt, quod insignes
sint: quanquam etiam, & ipsa tota planta subinde
Lobus dicatur. Phaseolum autem, Dioscorides Smi-
lacem hortensem uocat: quoniam rami eius instar
Smilacis, capreolis suis uicinis fructibus, & perti-
cis sese conuoluentes Topiarias scenas adumbrēt:
Germani

REMBERTI DODONAEI. 51

Germani fere welsche bonen, & windt bonen:
Brabanti Roomsche Boonkens: Galli facioles ap-
pellant. Non leuiter autem errat qui Phaseolum
latinorum. Eruiam esse putant. Eruiæ enim folia
um longum est, ut refert Plinius: Phaseolis uero la-
ta, & hederæ quodammodo similia & uenosa sunt.
Nec his multo minus hallucinantur, qui Phaselum,
cum phascolo idem esse autumant, ex quorum nu-
mero Serapio est, qui sub Lubia nomine, quod à lo-
bo deprauatū est, Phaselos & Phaseolos cōfundit.

VIRES ET FACULTATES.

EX HIPPOCRATE.

Dolichi magis Pisis per aluum secedunt, mi-
nus inflant & probè alunt.

EX DIOCLE.

Dolichi non minus quam pisa nutriunt: præte-
rea flatu similiter carent: quod uero ad suau-
tatem ac deiectionem pertinet uincuntur.

EX DIOSCORIDE.

Sliqua cocta cū semine in oleribus, asparagi mo-
do, estur: urinā cit, & tumultuosa somnia facit.

EX AETIO.

Dolichi Pisis similes sunt quantū ad minimam
flatu generationem, quantum uero ad iucun-
ditatem cibi, & egestionem, peiores. Cum si-
liquis suis comeduntur.

G iij

DE

HISTORIA FRVGVM.

DE PISO Cap. XIX.


GENERA.



Isorum ueteres unum tantum describūt genus: Posterior ætas multa inconsideratè confundens, duo & ea quidē summa fecit. Vnum maximum, grano inæquali & anguloso: aliud minus, grano rotundo coloris aut candidi, aut uiridis, aut obsoleti & nigro proximi. Ex quibus cum illud ueterum solum sit Pisum, quod omnium longè maximum, de eo solo hoc capite agemus: aliorum rotundi grani, quæ à ueteribus Ochri & Erulicæ nominantur explicatio ne in subsequens caput reservata.

Pisum

Pisum.



G iij

HISTORIA FRVGVM.

F O R M A.

Pisum, ut Theophrastus author est, multifoliū, terreum, uagum, amplumq; totum implens locum etiam si amplo interuallo positum sit: leguminum omnium fragilissimum folium habet, auctore Plinio, longum: siliquas cylindraceas, hoc est teretes & longas, & granum angulosum. Quod ex eo constat. Quod Plinius, libro decimo octauo capite duodecimo, Cicerculam quādam minuti Ciceris, inæquales angulos habentem, Piso similem dicat. Nisi enim Pisum angulosum esset, angulosa illa Cicercula, nullo modo illi comparari posset, ueluti angulos inæquales ut Pisum habens.

N O M I N A.

Legumen hoc Græcis πίσον καὶ λέανον, Latinis Pisum dicitur. Recentioribus Pisum Romanum, quod insigne sit, & in altitudinē increſcat: Brabāti Poomsche Erwtē, Groote Erwtē, & à nonnullis stock Erwtē. Et esse quidē hoc Romanum Pisum, uerum antiquorum Pisum, conferenti huius formam ad ueterum descriptiones, facile constare debet. Hoc enim Romanum Pisum, caules habet fistulosos, ramosos in terram sparsos (nisi affixo pedamento sustententur) & fragiles: folium frequens,

REMBERTI DODONAEI

frequens, amplum & longum: florem candidum, circa umbilicum purpurea signatum nota: siliqua longa, tereti, cylindri plane aut columnæ figura, in qua grana continentur Ochris id est vulgaribus Pis maioribus, quæ cum maturuerunt angulosa sunt, & colore sordido ex cineritio in punicum inclinante. Ex quibus constat necessario errare eos, qui hoc Romanum Pisum, Græcorum Pisum esse negant, & aut Phaselum, aut Dolichum esse, temerè contendunt, infinitis reclamantibus notis. Hallucinatur quoque, & non leuiter, qui Lathyrum nostrum, Pisa esse existimant, argumentum ex eo, quod angulosus eius sit fructus sumentes: nam quamuis granum angulos habeat, siliqua nullo modo est cylindræa, sed planè lata, quæ cum insignis nota sit, nullo modo prætermittenda erat.

Ex collatione quoque eorundem scriptorum à veteribus relictorum, apertum est, reliqua genera quæ ex Pisorum genere, posterior ætas habuit (cū granum ipsorum absolutissimè rotundum sit, & planè globosam formam habeat) Pisa non esse, quantumcumque folio, & caulibus sint similes, sed omnino ad aliud genus leguminis referenda esse, ut mox faciemus.

VIRE

HISTORIA FRVGVM.

VIRES ET FACVLTATES.

EX HIPPOCRATE.

Pisa minus inflant Fabis, per aluum autem magis secedunt.


EX GALENO DE ALIM. FACVL.

Pisa tota substantia cum Fabis quandam habet similitudinem, eodemq; cum Fabis modo sumuntur. His duabus tamen rebus ab eis discrepant, tum quod non æque, ac Fabæ sunt flatulenta, tum etiam quod detergendi facultatem non habent: ideoq; segnius quam ille per aluum secedunt.

ωχρος

ωχρ.

Ervilia.



HISTORIA FRVGVM.

DE OCHRO SIVE ERVILIA.

Cap. XX.

FORMA.



Chros Iiso caule folijs & siliqua si-
milis est omnibus tamē minoribus: mul-
tifolius quoq; amplius, ac uagus: humi
sparsus nisi pedamentis quibusdam ful-
ciatur. Fructū, fert non angulosum, sed absolutissi-
mæ rotunditatis Pisis minorem, colore ut plurimū
flauū, aut luteum, nonnunquam etiam uirescentem.

NOMINA.

HOc legumen Germani Erweyssen, Brabantī
Erwten, Galli du Pois, Medicorū & offici-
narū uulgus Pisum nomināt, Græci ὄχρος
Latini Erviliam. Et esse quidē uulgare istud legumē
quod Pisorum nomine circūfertur, uerū Græcorū
Ochrum ex eo manifestum esse debet, quod Ochru
Hippocrates, Theophrastus, Diocles, Gale-
nus Pisosimilem faciant, & ab eius natura non mul-
tum differre tradant: cum quo Pisa ista uulgaria
per omnia, excepto uno grano, conueniunt, &
tanta similitudine iunguntur, ut recentiores ea à Pi-
sis non potuerint discernere, aut distinguere. Quod
si uero & non temerè, sed à colore lutco aut palli-
do ὄχρος (ut uidetur) dictus est, non uideo quo mo-
do negari poterit uulgare rotundum Pisum Ochru
esse.

REMBERTI DODONAEI 55

esse: luteo enim aut pallido maximè colore pellu-
cet. Citra omnem igitur dubitationem vulgare Pi-
sum rotundi grani pro Græcorum Ochro ha-
bendum est. Quod uero & idem Latinorum Erui-
lia sit, ostendit in primis Plinius, Erui-liam folio Pi-
so similem scribens, & utriq; longum folium (Libro
decimo octauo capite septimo) tribuens, cum quo
ut diximus Ochros cōuenit. Huc etiam accedit do-
ctissimorum Hippocratis & Galeni interpretum
nostræ ætatis testimonium, qui pro ὠχρῶ Latine
Erui-liam reddunt. In errore igitur uersentur con-
sequens est, qui Erui-liam eādem cum Dolicho esse
existimant ὠχρῶς enim & δολίχῶς diuersa sunt:
Cum & eos qui pro Ochro Latine Cicerā uertūt.
Ticera siquidem eiusdem generis cum Cicercula
est, ut mox dicemus, & aliud longè ab Erui-lia.

VIRES ET FACULTATES.

EX GAL. DE ALIM. FACVL.


OChros medium quodammodo locum obti-
net inter ea, quæ succum bonum & pra-
uum generant: inter concoctu facilia, & dif-
ficilia, tarde & celeriter transeuntia flatulenta &
flatus expertia: parum & multum nutrientia. Nul-
lū enim effectricē habet qualitatem, instar quorun-
dam quæ, acres, aut austeros, aut acerbos, aut sal-
sos, aut amaros, aut dulces habent sapores.

λαθυρος

HISTORIA FRVGVM.

λαθύρη.

Cicerula.



REMBERTI DODONAEI 56
DE LATHYRO Cap. XXI.
FORMA.



Athyrys caule est tenello, humi nisi affixis pedamentis suffulciatur procumbente: folia fert longa & angusta, gemina ex uno geniculo simul prodeuntia: florem candidum: fructum in latis siliquis latum, albescentem, Lupino satiuo fere æqualem, sed angulosum in mandendo neutiquam amarum aut insuauem, sed Ochrum sapore omnino referentem.

NOMINA.

Peregrinum hoc legumen Germanis, Brabantis, & Gallis est: ideoq; aliud à Græco aut Latino nomen non habet. Nominant autem id ipsum Græci λathyρος Latini Cicerculam, à figura nempe fructus qui Ciceris fere modo angulosus est. Et uerum quidem esse Lathyrum inde manifestum fit, quod inter legumina quæ ædendo sunt istud solū, excepto Phaselo, formā habeat Phaseolo quodammodo assimilem: latā uidelicet & ad longū nonnihil accedentem, qualē Lathyrū habere ex eo colligi potest, quod Galenus dicit Dolichū Lathyris longiorem habere formam. Nam nisi Lathyro huiusmodi quædam esset forma, Dolichos is neutiquam comparasset. Accedit ad hoc quod

HISTORIA FRVGVM.

quod istum legumen neq; Pisum est (siliquam enim non habet cylindraceam (neq; Ochros) lutei siquidē non est coloris) Qua de causa cum ex tribus (Piso scilicet Ochro, & Lathyro) quæ inter se substantiæ ratione quodammodo cognata sunt, solus supersit Lathyrus, reliquum est ut istud legumen uerus sit Lathyrus: Piso enim & Ochris & sapore & qualitate assimilis est. Idem uera & Cicerculam eam esse cuius ueteres agriculturæ scriptores meminerunt, unus pro multis satis indicat Columella Cicerculam Piso similem scribens, hoc est angulosam & inæqualem, quale utiq; Pisum est: ut iam antè diximus. Nullum enim inuenitur legumen hoc forma Piso similis, cui cicerculæ nomen conuenire posse uidetur, excepto solo araco, qui cicerculæ quoque non est dissimilis, ut mox ostendemus. Non carent igitur errore qui hoc legumen ῥοβον, id est Eruum, nuncupant, nam formam non habet rotundam quam Eruo deberi paulo post docebimus: & præter hoc nullam insuauitatem in mandendo, obtinet, nam Ochrum sapore refert: cum tamen Galeano teste, Orobum insuauissimum sit, eam ob causam in usu hominum damnatum, & pecudum tantum pabulo cedens, qui & hoc dulcorato, & in aqua macerato pascuntur.

VIRES

VIRES ET FACULTATES.
EX GAL. DE ALIMEN.


Lathyrus substantia quidem Ochris, & Phaselis est assimilis. Utuntur autem his plurimum in Asia rustici, & potissimum in Mysia, & Phrygia. In Alexandria autem & alijs plerisque urbibus, non modo Ochris & Phaselis utuntur, sed etiam ut Pharotissanam ipsam parant. Succum autem habent Phaselis & Ochris facultatibus quidem consimilem, sed substantia crassiore: obque eam ipsam causam plus aliquanto quam illa nutriunt.

H


ἄραρος

HISTORIA FRUGVM.

ἄρακ. Cicera.



REMBERTI DODONAEI 58
DE ARACO SIVE CICERA Cap. XXII.
F O R M A.



Similis & congener multis modis
Aracus, per κ ultima syllaba notatus,
Lathyro est, nihil ab illo sapore dissi-
dens, tantum durior & colore obsole-
tior: ut & nonnulli olim fuerint Galeno teste qui pu-
tarunt ipsum non esse generis à Lathyro diuersi.
Caule enim & folijs Lathyro siue Cicerculae simi-
lis est: siliquas habet paulo minores & crassiores,
atq; in his grana angulosa, sed minora duriora, &
colore obsoleto & nigro proxima, sapore cicer-
culae.

N O M I N A:

HOc legumen Galenus in libris de alimentor-
um facultatibus ἀρακον Græcis appellari
scribit, & posteriorē nominis syllabam per
 κ in Aristophanis Holcadibus notatam inueniri, nō
autem per χ ad differētiā uidelicet alterius Ara-
chi qui cerealibus frugibus innascitur: Latini Cice-
ram nominant, nimirum quod Cicerculae sapore
& qualitate, tum & caule folijsq; atq; ipso etiam
semine sit similis, soloq; colore ab eo dissideat.
Quod quidem à ueteribus illis agriculturæ scri-
ptoribus etiam animaduersum est, de Cicera enim
hunc in modum Columella scribit:

H η

Sapore

HISTORIA FRVGVM.

Sapore certe nihil à Cicercula differt, colore tantum discernitur, nam est absoletior & nigro propior. Palladius autem in Martio sic: Nunc Cicera seritur quæ distat à cicercula solo colore quo sordet & nigrior est. Ex quibus apparet Cicerculam & Ciceram eiusdem planè generis esse, ueluti etiam Lathyrum, & Aracum à non nullis habitos Galenus ait. Qua de causa etiam minus fideliter à Gaſa in Theophrasto pro Ochro Cicera redditum est. Ochros enim idem est quod Erulilia, & forma siue figura à Cicera multum diffidet.

VIRES ET FACVLTATES.

EX GALENO DE ALIM. FACVL.

VSUS omnis araci & facultas, Lathyri facultate est assimilis, nisi quod Araci sint duriores, minusq; facile elixantur: quæ causa etià est cur Cicerculis concoctu sint difficiliores.

DE EREBINTHIS SIVE CICERIBVS

Cap. XXIII.

GENERA.



Icerū genera complura sunt, colore, magnitudine, & figura differētia, sed summa quidem Dioscoridi tria: Satiuum: Arietinum, candidum nigrumq;: & Syluestre Cicer: quibus quartum accedit minuti grani, quod Cicerculam Plinius nuncupat.

Satiuum

Sativum. Cicer.



H iij

HISTORIA FRVGVM.

Arietinum Cicer.



F O R M A.

1 **S** Atium Cicer caulem fert tenuem, Latiusculū,
 atq; ex hoc orta folia oblonga, in capreolos de-
 sinentia, quæ ad inferiorem partem caulis sim-
 plicia proueniunt, ad superiorem uero in duo, triaue
 foliola parua, sese diuidunt, Lathyri folijs non admo-
 dum dissimilia, uerum minora: flores habet candidos:
 siliquas quam Ochri minores, atq; in his grana can-
 dida, rotunda Arietino Cicere minora, Ochris simi-
 lia, sapore non usque adeo ingrato.


2 Cicer Arietinum, tam candidum quam nigrum,
 caule est lignoso: folijs uno pediculo, lentis modo
 enatis, multis, paruis, in ambitu serratis: flores habet
 albos, aut purpureos: siliquas paruas, rotundas. gra-
 na angulosa, acuto angulo prædita, arietino capiti
 similia, colore nigra aut alba.

H. iij

Cicer

HISTORIA FRVGVM.

Cicer. Syluestre.



REMBERTI DODONAEI 61
Cicerula, Plinij.



HISTORIA FRVGVM.

FORMA.

Syluestre Cicer, caule satiuo, folijs Lathyro si-
mile est: flores adfert purpureos: siliquas par-
uas: grana rotūda nigra: radices habet magnas,
crassas & implicatas. Nascitur in syluestribus.

Quartum genus folia habet lentis, caule arieti-
ni, flores paruos, pallentes: siliquas paruas, teretes,
atq; in his grana ut plurimum quaterna, angulosa,
Arietino ciceri propemodum similia uerū minora,
esui apta.

NOMINA.

Primum Cicerum genus ἐπέβινδο ὀροβιάκος
à Theophrasto, & reliquis Græcis dicitur,
hoc est Cicer orobiæum, aut eruillum, ab Erui
nimirum similitudine & rotunda seminis forma,
quæ Eruo cum hoc Cicere communis est: Plinio co-
lumbinum & uenereum: Dioscoridi ἐπέβινδο ἄμυ-
ρον, id est satiuum Cicer nominatur: officinis &
uulgo incognitum. Neq; hoc legumen Eruium est,
ut nonnullis suspicatuos non dubito, nam nullam
in mandendo insuauitatem obtinet, sed esui quoq;
aptum & Ochris sapore quadantenus simile.

Secundum genus Græci ἐπέβινδοι κείον: Lati-
ni Cicer Arietinum nominant: Officinæ Ciceres:
germas

Germani *ſijſern*: Galli *Pois Cices*: Brabanti appellationem officinarum ſequuntur.

3 Tertium genus ἐπεβιβθ & ἄγριον, ſive ſylueſtre *Cicer* nuncupatur. Et eſſe quidem hoc, ſylueſtre *Cicer*, & non aliud legumen, ut nonnulli errore ducti exiſtimant, inde manifeſtum eſt: quod nulli alteri legumini, quam ſoli *Ciceri ſatiuo* ſimile ſit, cuius eſt inuenire apud ueteres ſylueſtre genus. Licet igitur *Lathyro* caule folijsq; ſit ſimile, non erit tamen ſylueſtris *Lathyrus*, ſed potius ſylueſtre *Cicer*: nam & ſatiuo *Ciceri* non eſt diſſimile, ſi ad folia, quæ in ſummo caulis ſunt comparetur. Confirmat autem non mediocriter hanc opinionem quod folia eius confricata grauem odorem ſpirent: hoc enim ſylueſtri *Ciceri* eſt proprium ut apud *Dioſcoridem* uidere eſt.

4 Quartum genus, à *Plinio* peculiariter deſcribitur, uocaturq; *Cicercula* diminutiuo nomine, nos ad differentiam alterius *Cicerculae*, *Cicerculam* *Plinii* nominauimus. Alia autem planè eſt ab ea *Cicercula*, quæ *Lathyrus* Græcis dicitur, quod ipſe *Plinius* manifeſte indicare uoluit, hunc in modum ſcribens: Eſt & *Cicercula* minuti *Ciceris* etcæ, nam fruſtra eam quantitatis differentiam uideretur adieciffe, niſi aliã nouiſſet *Cicerculam*, quæ hac maior eſſet, & *Ciceri* ferè æqualis, quæ a ſimi-

HISTORIA FRVGVM.

à similitudine quadam Ciceris cicercula dicta uide-
tur, de qua supra actum est.

VIRES ET FACULTATES.

EX HIPPOCRATE.

Cicer album per aluum secedit, & per urinam
ejicitur, & alit. Et alit quidem, carnosum in
ipso. Per urinam uero ejicitur, dulce. Per ala-
uum autem secedit, salsuginosum.

EX GALENO DE ALIMENTORVM FACVL.

Cicer edulium est nō minus quam Faba flatulē-
tum, sed ualentius nutrit quam illa. Ad uene-
rem autem incitat, creditumq; est semen quoq; ge-
nerare: unde quidam equis admissarijs ipsum exhi-
bent. Inest præterea Ciceribus facultas abstergen-
di maior, quam Fabis: adeo ut quidam ex ipsis calcu-
los in renibus constantes manifeste comminuant,
nigra autem sunt ea, atq; exigua, arietinaq; ipsa nū-
cupant. Satius autem est succum ipsorum in aqua
coctum bibere.

EX GAL. DE FACVL. SIMPL.

Cicer, legumen est flatuosum, copiosi nutritimē-
ti, aluo mouendæ habile, ciendæ urinæ idone-
um, lacti & semini generando aptum: prolicit &
menses.

mensēs.

Porro quod uocatur crion, hoc est arietinum, ceteris efficacius urinam prouocat. Decoctum eius calculos renum confringit.

Reliquum autē Cicerum genus, Orobiaeum uocatur, eadem ui pollet: puta attrahēdi, digerendi, incidēdi, extergendi. Sunt enim calidi, et modice sicci: participes item sunt amaritudinis, cuius ui & Lienem, & iecur, & renes expurgant: Psorasq; & Lepras, & Lichenes extergunt: tum abscessus post aures provenientes, & testes induratos discutiunt: tum etiā ulcera, quæ cacoëthe uocant, cū melle sanant.

Erebinthus agrestis ad omnia efficacior domestica est, hoc est tum calidior, tum siccior: quanta & acrior & amarior.

EX DIOSCORIDE.

Cicer satium aluo idoneum est: urinam ciet: inflammationem parit: Colorem commendat: mensēs ac partus expellit: lac auget, cum Erano decoctum illinitur ad inflammationes testium, uerrucosas informicationes, ad scabiem, ulcera capitis manantia, impetiginesq;: contra carcinomata, & ulcera, quæ Cacoëthe uocantur, cum melle & hordeo prodest.

Aretinum utrunq; cit urinas, dato cum rore marino, hydropicis, aut regio morbo laborantibus, eorum

rum


HISTORIA FRVGVM.

rum decocto. Ledunt ea exulceratam uesicam & renes. In uerrucarum formicantium pēsiliūq; genere, prima luna singulis granis singulas tangunt, eaq; grana Linteolo deligata abijci post se præcipiunt: ita decidere eas arbitrantur.

Syluestre Cicer, idem quod satium præstat.

DE LVPINIS. Cap. XXIII.

GENERA.



Lupinorum, satius unus, syluestres alij: quorum duplex est genus, quodam enim luteos flores fert, aliud ceruleos, quod minimum est.


Lupinus

REMBERTI DODONAEI. 64
Lupinus. Sativus.



HISTORIA FRVGVM.

Lupini, syluestres.



F O R M A.

- 1 **L**upinus sativus caule unico, recto, firmo, qui nullo pedamento eget nascitur, atq; circa hūc promit folia quinq; fariam, aut septifariā cœniticis diuisa, superna parte virida, inferna candidiora: flores in summo cādidos: siliquas quales Phaselus, sed minores & interiori parte non laneas, atque in his candidos latos rotundos, & gustu amarissimos fructus.
- 2 Luteus ex syluestriū genere, caule folijsq; uerum minoribus, satiuo similis: flores habet Luteos suauiter olentes uiolæ luteæ æmulos: siliquas paruas, & in his fructum uarij & sordidi coloris, satiuis minorem, sed amaritudine non inferiorem.
- 3 Ceruleus caule folijsq; omnium minimus: floret ceruleo flore: fructus eius luteo similis, uerum etiam minor.

N O M E N.

Primum Lupinorum genus $\delta\epsilon\mu\alpha\iota\ \iota\mu\epsilon\rho\alpha$ Græcis, Latinis Lupinus Satiuus dicitur, officinis Lupinus, Germanis Feigbonen, Gallicis Lupin, Brabantis Lupinen.

Alia genera $\delta\epsilon\mu\alpha\iota\ \alpha\gamma\rho\iota\alpha$ Græcis, Latinis syluestres nominantur, officinis incogniti.

HISTORIA FRVGVM.

VIRES ET FACULTATES.

EX HIPPOCRATE.

Lupini natura robusti sunt & calidi, uerum per præparationem leniores & frigidiores sunt, & alio secedunt.

EX GAL. DE ALIM.

Lupini semen πολύχρηστον, id est, frequentis usus est. Elixus enim, deinde in aqua dulci maceratus tantisper donec in ea omnem sibi ingentiam exuerit insuauitatem, ita demum manditur cum garo, ac oxygaro, uel etiam sine his sale mediocri conditus. Lupini dura ac terrestris est substantia: quocirca ipse concoctu sit difficilis, succumq; crassum gignat est necesse: ex quo non probe in uenis confecto crudus proprie appellatus succus aceruatur. Cæterum cum inter parandum quicquid habuit amaritudinis, deponat τοῖς ἀποῖσις id est, qualitatibus quæ sensu deprehendatur expertibus, similis euadit. Par igitur est ipsum neq; ad deiectionem, neque ut adstringentia, ad fluentis uentris cohibitionem esse accommodum, sed tarde descendere, & difficulter deijci ac pertransire.

EX

LVpinus edi potest coctus multus antè diebus per macerationem amaritudine in aqua deposita, sitq; tunc nutrimentum succi craffi: ceterum ut medicamentum ita præparatus ex genere est emplasticorum. At ubi nativa etiam dum manet amaritas, extergendi digerendiq; uim obtinet: interficit lumbricos, tum illius, tum addito melle linctus, tum ex posca epotus. Quin & decoctum eius Lumbricos ejicere potest: tum etiam foris idè tidem persusum uirilignes, achoras, pustulas (exanthemata Græci uocant) Psoras, Gangrenas, ulcera maligna, quæ cacoëthe uocant iuuat: partim extergèdo, partim citra mordacitatè digerendo sic cādoq;. Expurgat iecur & lienem cum ruta & pipere suauitatis gratia assumptū. Elicit menses ac foetum cū myrrha & melle impositū. Porro lupinorū farina sine mordicatione digerit: nec enim liuida tantum, sed & Choëradas, & Phymata curat: sed tunc in aceto aut Oxymelite, aut Posca coquantur oportet, idque pro laborantium temperamento, & affectus diuersitate, quod ex usu est eligendo. Digerit item quæ liuida sunt: & quæcunque modo diximus præstare posse decoctum, eadem omnia efficit & farina.

I ij

Sunc

HISTORIA FRVGVM.

Sunt uero etiam qui eam ischiadicis cataplasinatis modo illinunt.

Lupinus agrestis amarior est, & ad omnia ualentior domestico, eiusdem genere cum ipso facultatis.

EX DIOSCORIDE.

SAtini lupini farina cum melle, delinctu, aut postu, uentris animalia expellit: ipsi quoque macerati, & cum sua amaritudine esitati, eadem efficiunt. Decoctum eorum idem munus præstat, cum ruta & pipere potum: quare lienosis prodest: eodem ulcera terra, quæ Theriomata uocant, gangrænas, incipientem scabiem, eruptiones pustularum, ulcera in capite manantia, uutiligines, maculasque fovere utilissimum: menses & partus extrahit cum myrrha & melle subditum in uellere. Eorum farina cutem liuoresque corrigit: inflammationes cum polenta & aqua mitigat: tubercula, & coxendicium cruciatus ex aceto lenit: strumas in aceto cocta illitaque dissipat: carbunculos rumpit. Decocti celesti aqua donec in cremorem lentescant, faciem abstergunt: medentur pecorum scabiei, cum radice nigri Chameleontis, ita ut tepente decocto abluantur. Cit urinam radix cum aqua cocta. Lupini triti, ubi maceratu dulcescere ceperint, cum aceto potum fastidium

REMBERTI DODONAEI. 67
fastidium detrahunt, & cibi auiditatem faciunt.
Syluestres eadem quæ satiui possunt.

EX PLINIO.
Lib. XXII.

Lvpini discolorem hominem frequentiores in
cibo exhilarant. Amari contra aspidas ualent:
ulcera atra, aridi decorticatiq; triti, supposito
lindeolo, ad uiuum corpus redigunt: strumas, paroti-
das in aceto cocti discutiunt. Succus decoctorum
cum ruta & pipere, uel in febris, datur ad uentris
animalia pellenda, minoribus triginta annorum.
Pueris uero impositi in uentrem ieiunis prosunt:
& alio genere tosti, et in defruto cocti, uel ex mel-
le sumpti. Idem auiditatem cibi faciunt, fastidium
detrahunt. Farina eorum aceto subacta, papulas
pruritusq; in balneis illita cohibet, & per se sic-
cat ulcera: liuores emendat: inflammationes cum
pollenta sedat.


Syluestrium efficacior uis est contra coxendi-
cum, & lumborum debilitatem: ex iisdem decocta
lentigines & fomentum cutem corrigunt: Si uero
ad mellis crassitudinem decoquantur satiui, uiteli-
gines nigras & lepras emendant. Satiui quoque
rumpunt carbunculos impositi, panos & strumas
minuunt, aut maturant, cocti ex aceto, cicatricibus
I iij candidum

HISTORIA FRVGVM.

candidum colorem reddunt. Si uero celesti aqua decoquantur, succus ille smegma fit, quo solent fo-
uere gangrenas, ad eruptiones pituitæ, ulcera ma-
nantia, utilissimum. Expedit ad lienem bibere, &
cum melle menstruis herentibus. Lieni, crudi cum
fico sicca triti ex aceto imponuntur. Radix quoq;
in aqua decocta urinas pellit. Medentur pecori cū
Chameleonte herba decocti, aqua in potum colla-
ta. Sanant & scabiē quadrupedum omniū in amur-
ca decocti, uel utroq; liquore postea mixto. Fumus
crematorum culices necat.

DE ERVO. Cap. XXV.

GENERA.



Rui duo genera: alij enim albi, alij pal-
lidi aut ad flauum accedentes.

FORMA.

ERuum paruus frutex est: tenui caule in latus
ut Ciceris tendente: angusto folio: semina in
ualuulis siue siliquis cylindraccis habens: colo-
re alba aut pallida luteoūe proxima: gustu insua-
uissima ut Galenus testatur: figura absolutissimæ
rotunditatis, ut ex Plinio ubi de Cicere agitur de-
monstrari potest. Cicer enim ait esse dulcissimum
quod Eruo simillimum est. hoc ipsum autē de quo
agit

REMBERTI DODONAEI. 68

agit est columbinum dictum candidum & rotundum, quod & orobiæum ab Orobi similitudine nominatur. Vnde constat Erui rotundam & sphericam esse figuram.

N O M I N A:

Quod Eruum latini, Græci ὀροβόλον nominant: non Officinis modo, uerum omnibus hac ætate incognitum. Neq; enim Lathyrus aut Cicer satiuum Eruum est, ut iam ante docuimus. Neque item uicia, ut officinæ putant: Semen enim hoc latum est & ab Erui forma, & similitudine multum recedens.

VIRES ET FACULTATES.

EX HIPPOCRATE.

ERuum aluum sistit, & robustum est, & crasse facit, & explet, & boni coloris hominem facit.

EX GALENO DE ALIM. FA:

BOues tum in Asia tum apud alias plerasq; gentes, Eruum prius in aqua dulcoratum pascuntur: homines uero ab hoc semine prorsus abstinent. Est enim insuauissimū & prauī succi. In magna tamen fame, quemadmodū Hippocrates quoq;
I iiij scripsit, ne

HISTORIA FRVGVM.

necessitate cocti, ad ipsum nonnunquam accedunt. Nos uero ad eundem modum quoquo lupinos præparantes, Orobis cum melle utimur, ceu medicamentis crassos thoracis ac pulmonis humores expurgantibus. Porro inter Orobos albi minus sunt medicamentosi ijs, qui ad flauitiem aut pallorem recedunt. Qui uero cocti bis fuerint & in aqua identidem dulcorati, insuauitatem quidem deponunt, sed una etiam cum ea abstergendi, & incidendi facultatem: ut sola in eo relinquatur terrefiris substantia. Quæ substantia alimentum fit, quod citra insignem amarorem desiccandi uim habet.

EX GAL. DE SIMPLICIBVS.

Orobus desiccatur quidem excessu secundo intenso, calfacit uero primo. Porro quatenus amaritatis est particeps, catenus incidit, extergit, & obstructions expedit. Ceterum si sumatur copiose, sanguinem per urinas euocat.

EX DIOSCORIDE.

Eruum capiti onerosum est: aluum esu turbat: sanguinem per urinam extrahit: elixo boues saginatur. Farina aluo utilis est: urinam ciet: meliorem colorem efficit: sanguinem per uesicam aut aluum cum torminibus elicit, si largius in cibo
aut

REMBERTI DODONAEI 69

aut potu assumatur: ulcera cum melle purgat: lenti-
gines & uitia cutis in facie, & maculas totumq;
corpus emendat: nomasq;, gangrænas, duritiasq;
serpere non patitur: mammatum duritias emollit:
atra ulcera, quæ Theriomata uocant, fanosq; emar-
ginat: carbunculos rumpit: cum uino subacta illitu
morsibus uiperarum, canum, hominumq; medetur:
urinæ difficultates tenesmosq; ex aceto mitigat.
Eruum tabidis, qui alimentum non sentiunt tostum
& ad nucis magnitudinem melle exceptum, sum-
ptumq; conuenit. Eius cremor perniones, & pruri-
tus in toto corpore sanat, fouendo.

EX PLINIO. Lib. XXII.

ERuum contra serpentium ictus ex aceto, ad
crocodilorum hominumq; morsum. Si quis Er-
uum quotidie ieiunus edat lienem eius absumi
certissimi authores affirmant. Farina eius (ut ait
Varro) maculas ex toto corpore emēdat. Serpere
ulcera non patitur: in mammis efficacissimum. Car-
bunculos rumpit ex uino: urinæ difficultates, infla-
tionem uitia iecoris, Tenasmon, & quæ cibum
non sentiant, Atropa appellata, tostum, & in nu-
cis auellanae magnitudinem melle collectum, deuo-
ratumq; corrigit. Item impetigines, ex aceto co-
ctum, & quarto die solutum. Panos in melle suppu-
rare


HISTORIA FRVGVM.

rare prohibet impositum . Aqua decoctum perniones, & pruritus sanat fouendo. Quin & uniuerso corpori, si quis quotidie ieiunus biberit, meliorem fieri colorem existimant. Cibis idem hominis alienum: uomitiones mouet: aluum turbat: capiti & stomacho onerosum: Genua quoq; degrauiat, sed madefactum pluribus diebus mitescit: bubis iumentisq; utilissimum. Siliquæ eius uirides priusquã indurescant, cum suo caule folijsque contritæ capillos nigro colore inficiunt.

Βικιόρ

REMBERTI DODONAEI 70

Sisyp. Vicia.



HISTORIA FRVGVM.

DE VICIA Cap. XXVI.

FORMA.



Vicia caules habet tenues cubitales, quadrangulos: folia angusta, uno pediculo multa lente maiora & crassiora: flores ut Phaseli nigriores: siliquas paruas in quibus sena pluraue grana nigricantia non rotunda sed lentis modo quodammodo latiuscula proueniunt. Seritur quacunq; terra, facillimo cultu.

NOMINA.

NOta omnibus iumentorū pabulo uicia est, Græci Βικίον nominant, Germani wickē, Brabanti Vitsen, Galli De la uesce. Officinæ non sine errore grauissimo, Eruum aut Orobo nuncupant, ut ex præcedenti capite de Eruo manifestum fieri potest. Vicia autē ut Varroni placet à uinciendo dicta est, quod item capreolos habet ut uitis, quibus sursum uersus serpit ad scapū lupini, aliumue calamum, ad quem ut hereat eum solet uincire.

VIRES ET FACULTATES.

EX GALENO DE ALIMEN.

Viciam cum ipsis siliquis atq; integra planta rustici reponunt ut Brutis pecudibus sit pabulo. Per famem tamen quosdam noui qui hanc


REMBERTI DODONAEI. 71


hanc quoq; comederint, potissimum uere, cum etiã
num uiret: quemadmodum Fabas & Cicera esita-
re consueuerunt. Est autem nō insuauis modo, sed
concoctu etiam difficilis, aluumq; inhibet. Perspi-
cium ergo est quod cum natura sit huiusmo-
di, alimentum, quod ex ipsa distribuitur,
habeat haudquaquam boni succi,
sed crassum atq; ad succum
Melancholicum gignen-
dum, idoneum.

Arachus

HISTORIA FRVGVM.

Arachus.





Rachus caule, folijs, flore, siliqua uiciae similis, sed minor & tenerior: semen habet non latum, sed rotundum, nigrum, durum, Eruoq; ut inquit Galenus, minus. In fructibus cerealibus provenit.

NOMINA.

HOc siue legumen, siue cerealium frugum uitium, Galenus ait, Arachum nominari: scribiq; ultimam nominis syllabam per χ , ad differentiam alterius Araci per κ notati. Brabantii Crock uocant. Sunt qui Aphacem putant: sed temerè, & falso Semen enim eius non est latum, quale Aphaces esse, præter Dioscoridem, euidentissimus testis Galenus est, libro de alimentis primo.


VIRE ET FACULTATES.


Huius seminis nullus est usus, nisi quod planta eius integra pabuli quoq; loco cedat. Seliunt autem id rustici, ut Galenus ait, uti *Securidacæ* semen & abijciunt.

Apha

HISTORIA FRVGVM.

Aphace.





Phace caule folijsq; Aracho similis, quā
uis tenerior: lente altior, & maior: flores
habet purpurascens in longis pedicu-
lis multos, spicæ modo congestos: ab his prokeniūt
siliquæ latæ lente maiores, in quibus terna quater
naue semina lata lente minora, continentur. Proue-
nit in aruis & riguis.

NOMEN.

Aφάκη latinis Græcum nomen retinet, Of-
ficinis incognita, nonnullis os mundi dici-
tur. Est porro & alia Aphace apud Theo-
phrastum, quæ ex syluestriū Olerum genere est:
de qua in præsentia non agimus.

VIRE ET FACULTATES.

APhace inter alimenta, eandem obtinet facul-
tatem, quam uicia: ut in libro Galeni de ali-
mentorum facultatibus uidere est: proinde
quæ de Vicia ex Galeno supra scripta sunt, huc
transferri possunt, & de Aphace intelligi.

K

EX

HISTORIA FRVGVM.

EX GALENO DE SIMPLICIBVS.

A Phace uim habet astringendi, sicuti & ipsa Lenticula (Φακος Cræci uocāt) Sed & similiter ut Lenticulæ edi solet: cæterum ægrius quā ille concoquitur: ualentius autem desiccat & moderati caloris est.

EX DIOSCORIDE.

A Phaces semina astringendi uim habent: quare torrefacta stomachi aluiq; fluxiones sistunt, si fresa Lentis modo decoquantur.


EX PLINIO.

Lib. XXVII.

Natura Aphacæ ad spissandum efficacior quam Lenti: reliquo usu eosdem habet effectus. Stomachi aluiq; fluxiones sistit semen decoctum.

Φακος

REMBERTI DODONAEI 74
Φακός. Lens.




k ij

HISTORIA FRVGVM.

DE LENTE Cap, XXIX.

FORMA.



Ens tenuibus exit cauliculis: folijs angustis, uno pediculo adnascentibus multis Aracho aut uiciæ similibus, sed longe minoribus, & tenuioribus: flores fert exiguos: siliquas paruas latiusculas in quibus lata proueniunt semina. Amat solum tenue & cœlum siccum.

Nascitur & sua Indiæ Lens Fænogreco similis: differt hæc à nostrate omnino, sed illatam cibo discerni posse negant ab ignaris.

Est & Aegyptiæ Lentis genus rotundius & nigrus. Vtraq; nobis incognita est.

NOMEN.

Lens Græcis φακὸς ἢ φακὴ, Latinis etiam Lenticula appellatur. In officinis Latinum nomen retinet: Germani Linsen, Galli lentille nominant.

VIRES ET FACULTATES.

EX HIPPOCRATE.

Lentes æstuosæ sunt & turbatiuæ, & neq; per alium secedunt, neq; ipsam sistunt.

EX GALENO DE ALIMEN.

Nemo ex Lentibus panem facit: aridæ enim sunt, ac friabiles, corticemq; habent astringentem

REMBERTI DODONAEI. 75

gentem, & quæ ipsorum est ueluti caro, crassi est
succo, ac terrei, austeram qualitatem habens
exiguam cuius cortex multæ est particeps. Suc-
cus, porro in ipsis est astringenti contrarius. Quo-
circa, si quis in aqua ipsas coxerit, & deinde aquã
sale aut garo, aut cum ipsis oleo condiens sumpse-
rit, potus is aluum deijcit. At ex biscoctis Lentibus
Lens apparata, facultatem habet succo cõtrariam:
ut quæ uentris fluxus siccet, stomachum intestina
& totum deniq; uentrem corroboret. Quam ob rē
coeliacis, & dysentericis, cibus est accommodus.
Lens uero decorticata, ut illam astringendi uehe-
mentiam, & ea quæ ipsam consequuntur, amittit,
ita magis nutrit, quã quæ cortice spoliata non est,
succum crassum prauumq; gignit, tardeq; comme-
at, non tamen alui fluxus desiccet, uti ea cui cor-
tex non est ademptus. Iure igitur, qui largius hoc
ædulio utuntur, elephanciasim & caneros incur-
runt. Siquidem crassa siccaq; cibaria succo melan-
cholico generando sunt idonea. Quare ijs duntaxat,
quibus aquea in carnibus est καχεξία Lens in
cibo utiliter præbetur: ceu aridis & squalentibus,
admodum damnosè. Eandem ob causam uisum in-
tegrum & inculpatum hebetat, ipsum immoderate
exiccans: ei uero qui contrario modo se habet, con-
fert. Mensuris autem purgationibus non est ac-

K ij

commoda

HISTORIA FRUGVM.

commoda: crassum enim & tardifluum sanguinem reddit. At muliebri nuncupato profluvio est utilis-
sima.

EX SIMPL.

LEntes ualenter astringunt, medium tenent caliditatis & frigiditatis, desiccant tamen in secundo ordine: ipsum itaq; earum corpus desiccant & sistit uentrem: cæterum decoctum prouocat: proinde etiam prior aqua abijcitur ubi retentionis causa adhibentur.

EX DIOSCORIDE.

LEns frequenti cibo aciem oculorum obtundit: ægre concoquitur: stomachū male habet eumque & intestina inflat, sed aluum cum cortice cocta sistit. Præstat in cibo quæ facillimè coquitur, nihil atri in maceratione reddens. Vim habet astringendi, qua ex causa aluū cohibet, si detracto ante a cortice discoquatur accurate, primaq; aqua inter coquendum effundatur: (quippe primum id decoctum uentrem resoluit) somnia tumultuosa excitat: capiti, neruis ac pulmōni inutilis. Melius suo fungetur munere contra alui fluxiones, addito cū aceto intybo, aut portulaca, aut beta nigra, aut bacis myrti, aut putamine punici, aut aridis rosis, aut mespilis, aut sorbis, aut pyris Thebanis, aut malis cotoneis, aut cichorio, aut plantagine, aut gallis integris,

REMBERTI DODONAEI. 76

tegris, quæ post decoctionem abijciuntur, uel uuarum rhois quæ obsonijs insparguntur: uerum acetum cum eo diligenter percoqui debet, alias aluum conturbat. Contra subuersionem stomachi, triginta grana Lentis delibrata deuorari proderit: decocta cum polenta, & illita podagras lenit: sinus cum melle glutinat: crustas rumpit: ulcera purgat: decocta in aceto duritias & firmas discutit: cum coto neo aut meliloto medetur inflammationibus oculorum, sedisq; addito rosaceo: sed in amplo sinu, aut inflammationibus sedis, quæ maius remedium exigunt, cum putamine punici, ac siccis rosis adiecto melle decoquitur: nomis quæ in gangrænam euaserunt, adiecta maris aqua: pustulis, & his quæ serpunt: igni sacro, pernionibusq; ut antea dictum est: contra mammas in quibus lac in grumos cohit, & præ nimia sui copia profunditur, cocta in aqua maris, & illita auxiliatur.

EX PLINIO. Lib. XXII.

Lens acie oculorum obtundit & stomachum, inflat, sed aluum sistit in cibo magisq; discocta celesti aqua: eadē soluit minus percocta. Crustulas ulcerum rumpit, eaq; quæ intra os sunt, purgat & astringit: collectiones omnes imposita sedat, maximeq; exulceratas & rimosas: Oculorum aut epipho-

R iij

ras cum


HISTORIA FRVGVM.

cum meliloto aut cotoneo: Contra suppurantia cū polenta imponitur. Decoctæ succus ad oris exulcerationes & genitalium adhibetur: ad sedem cum rosaceo aut cotoneo: in ijs quæ acrius remedium exigunt cum putamine punici, melle modico adiecto. Ad id demum ne celeriter marescat: adiungunt & Betæ folia. Imponitur & strumis, panisq; uel maturis uel maturescentibus ex aceto discocta: Rimis ex aqua mulsa: & gangrænis cum punici tegmine: item podagricis, cum polenta, & uuluis, & renibus, pernionibus, ulceribus difficile cicatricem trahentibus. Propter dissolutionem stomachi xxx Grana lentis deuorantur. In choleris quoq; & dysenteria, efficacior est in tribus aquis cocta: in quo usu melius semper eam torrere, aut tundere, ut quā tenuissima detur, uel per se uel cum cotoneo malo, aut pyris aut myrto, aut intubo erratico, aut beta nigra, aut plantagine. Pulmoni est inutilis, & capitis dolori, nervosisq; omnibus, & felli, nec somno facilis: ad pustulas utilis igniq; sacro, & mammis in aqua marina decocta: in aceto autem duritias et strumas discutit. Stomachi quidem causa, polentæ modo portionibus inspergitur. Quæ sunt ambusta, aqua semicocta curat, postea trita, & per cribrum effuso furfure, mox procedente curatione addito melle. Ex posca coquitur ad guttura.

H. S. U.

REMBERTI DODONAEI 77


ἡδύστρον. Securidaca.



HISTORIA FRVGVM.

DE SECVRIDACA Cap. XXX.

FORMA.



Ecuridaca fruticosa est herba: folijs lētis, rotundioribus, arietino Ciceri similibus, sed in ambitu non serratis: floribus candidis: semen fert in siliquis corniculorum modo incuruis, rufum quadrangulum, & ancipiti securi quadantenus simile, amarum & subacerbum. Innaſcitur lenti & eam uitiat ut Galenus ait: aut in ſegetibus, & Hordeis ut Dioſcorides. Apud nos rara eſt, & ſponte ſua nō prouenit.

NOMEN.

Quod Græci *ἰδύσαρον*, Latini Securidacā aut Securinum nominant, unguentarij pelocinum: officinis incognitum.

VIRES ET FACULTATES.

EX GAL. DE SIMPLICIBVS.

Securidacæ ſemen gratum eſt ſtomacho, & uiſcerum obſtructiones expurgat: idem præſtant totius fruticis germina.

EX DIOSCORIDE.

Hedyſaron gultu amarum eſt, ſtomacho utile in potu: additur in antidota: cum melle ante coitus ſubditum, concipiendi ſpem adimit.

O rnihoæ


REMBERTI DODONAEI 78
Ornithopodion.



HISTORIA FRVGVM.

DE ORNITHOPODIO. Cap. XXXI.

FORMA.



Rnithopodion fruticosa est herba, ampliter luxurians: cauliculis tenuibus: folijs Securidacæ minoribus: floribus albicantibus, exiguis: siliquis quatuorquinisue iuxta inuicem, paruis, incuruis, minutarum auium pedes emulantibus (unde nomen) in quibus parua rotunda semina Aracho minora. Nascitur in aruis, inter segetes, & in pratensibus.

NOMEN.

Dedituti meliori nomine, Ornithopodion hæc plantam uocauimus, & similitudinem & uulgi nomenclaturam secuti: Brabanti enim Vogeluoet nuncupant. Sunt quibus placet Securidacæ esse speciem, foliorum nimirum cognatione decepti. Alijs placet esse Poligalam: uerum nos aliam in primo commentariorum nostrorum de plantarum historia dedimus, quam ueram esse Polygalam, non uanis persuasi rationibus existimamus.

VIRE.

Ornithopodij tota planta, cum siliquis gratissima bouum pabulo est, seligiturque eius gratia à rusticis. Ad medicinæ, & hominum usus inutilis.


ERRATA SIC CORRIGITO


Primus numerus folium, alter paginam
tertius lineam significat.

Fo.	Pag.	Lin.	Lege.
4	1	11	gutturis
Ibid.		12	Donatus & Seruius
4	2	14	Thracicum
5	1	6	Vlginoso satus
Ibid.		13	Setanium
	2	9	non adferant
7	2	8	Tritici delitias : candor est
8	1	5	δαιτύριος
Ibid.		6 & 20	Setanium
Ibid.		23	Amyleum per y ubiq;
8	2	13	donit appellant, (per n)
9	1	19	μυρίαι
11	1	12	mollior zeæ est
11	2	17	paretur
Ibid.		26	quæ tandem
12	1	1	Tritici parte,
Ibid.		10	furfuris
12	2	26	Triticeæ farine
13	2	3	acerofum
Ibid.		3	σιτυρίαι
Ibid.		21	ἰνυρίαι
14	1	23	Similaginei
14	2	18	
affantur, ob id ab ipsis relinquuntur. At qui super craticulam, aut cineres calidos, aut foci pavementum ceu clibanum affan- tur, prau omnes sunt.			
15	2	1	ficcum esse
16	2	13	vno folliculo
17	1	11	Thracicum
18	2	1	Amyleū, ita & 5 & 7 linea
Ibid.		16	quam vt nutrimentum
20	2	4	a nullo magis, quā ab hoc
22	1	9	Crassopotin, Clandiopolin.
Ibid.		28	simili (Heliopolin,

22	2	2	Facitium
23	2	13	Einkoren & Sancti Peters ko
	ibid.	18	qualicūq; (re nominat
	ibid.	24	Einkoren
25	2	14	qualicūq;
	ibid.	21	Triticeo
25	1	23	levissimus
26	2	1	situm contrahit
	ibid.	21	vicia
	ibid.	24	sue
27	1	26	Triticea farina
30	1	7	folliculis
31	1	5	Hippocratis
37	2	10	αελίνκ
38	1	20	Milium. In vino potum
38	2	11	explicare institui
40	1	15	frumentaceis
60	2		

*Admissum per Petrum curtium pastorem dñi
 Petri Louaniensis die 29 Iulij.
 An. M. D. LII.*






Remberti Dodo

NAEI MECHLINIENSIS
Medici Epistolæ duæ.

VNA AD D. IOACHIMVM
*Rolandum de Farre, Chondro, Trago,
Pisana, Crimmo & Alica.*

ALTERA AD D. IOANNEM
Vischaniū de Zytho & Cereuisia.



Remberti Do-

DONAEI MECHLINIENSIVM


MEDICI AD D. IOACHIMVM RO-

lants Mechliniensium Medicum episto-

la de Farre, Chondro, Trago,

Ptisana, Crimno, &

Alica.



Vtinam ornatissime Rolande
multi hoc tempore inuenirētur
medici, qui tecum sentirent, tui
q; similes essent, & tantum ve-
ritati tribuerēt rationibusq; ce-
derēt, facile enim tota ipsa ars
medica, ab omnibus quibus nunc plena est erroribus
abusibusq; expurgata, sincera, et integra studi-
osis, artisq; ipsius amatoribus sese amplectendam
exhiberet. Sed magna proch dolor medicorū pars
& inter hos ipsos, etiam nonnulli qui celebriores
haberi uolunt, tam mala ac peruersa persuasione
ducuntur, ut cum prioris ætatis medicis (quos etiā
indoctos fatentur) errare tamē etiam in manifestis-
simis rebus malint, quā à recētioribus ueritatē au-
dire: adeo pertinaci ac superbo animo præditi sunt

L ij

Tu uero

EPIST. DE FARRE NAT.

Tu uero cum ueritate ac ueteri medicina nihil ha-
beas antiquius, omnia ad ueritatis & rationis nor-
mam expendis, & in nullius uerba iuratus, uerita-
ti uni assidue insistis. Quam ut proutius expedi-
tiusq; consequaris, non modo ueterum, sed recen-
tiorū quoq; omnium scripta relegis: summo iudicio
quæ est ingenij tui dexteritas, expendis: & quod
in ijs ueritati consonum est amplecteris. Quod ut
optimo consilio, summoq; animi candore facis, ita
nescio an bene quoq; me in illorū numero habeas,
qui de rebus, dubijs aut obscuris iudicium prome-
re possit. Paucorum hoc est donum, à nemine teme-
re usurpandū: quod ut mihi neq; uindico, neq; arro-
go, ita liberum esse puto de ijs factitijs rebus, de
quibus aliquando paucis uerbis tecū egi, sententiā
meā, tibi, ut mihi postulare uisus es, explicare. Sūt
autē eæ potissimū hæ: Far, Chondrus, Tragus, Pri-
sana. Crimnon & Alica, quæ à recentioribus no-
stræ ætatis medicis aut ignorantur, aut temere cō-
funduntur. Sequar attem in hac tractatio-
ne, non peculiarem aliquem ordinem,
sed prout quæq; res sese obtule-
rit eam explicare cona-
bor. Primum igitur
de Farre agemus.

DE

DE FARRE.



Ar siue peculiare aliquod Frumē
ti genus, siue res quædam ex ce
realibus frugibus apparata: etsi
frumenti genus, quale nam sit ad
modum obscure & obiter à ue
teribus pertractatum est. Quan
tum tamē ex illorum scriptis eruere datur, duplex
omnino Far nostro iudicio est: Naturale unū, quod
scilicet frumēti est genus: Factitium ex frumento
aut Hordeo alterum. De Naturali Farre quod
scilicet frumenti est genus, aperta sunt Plinij, &
Columellæ testimonia. Factitij meminit apud
Aëtium lib. nono capite 45. Archigenes, faciendi
eius rationem docens: Item & Palladius lib. pri
mo cap. uigesimo octauo, Far Hordei uino consper
sum pullis dandum præcipiens. Naturale autē
Far quale frumenti genus fuerit, hoc tantum apud
Plinium inuenire datur: Vulgatissimum olim uete
ribus fuisse, & primum latius cibum, quo trecētis
annis ex frumenti genere solo, Romanos usos fuis
se Verrius tradit: culmo eius genicula esse sena:
spicā sine aristis prouenire: granum eius multis fol
liculis inclusum esse, à quibus purgari nisi tostum

L ij non

EPIST. DE FARRE NAT.

non posse, itaque cum folliculis suis crudum olim
seri solitum atq; in uaginulis suis ad satus serua-
ri: Hordeo ponderosius esse: inter omnia frumen-
ti genera durissimum & contra hyemes firmissi-
mum: pati frigidissimos locos & minime suba-
etos, uel aestuosos & sitientes: in cretoso etiam
& uliginoso posse prouenire, quod ut Columella
ait folliculum firmum & durabilem, aduersus
longioris temporis humorem habeat. Vocaba-
tur hoc Far apud ueteres Ador, Edor, & fre-
quentissime semen Adoreum: ab edendo uel quo-
niam adurebatur ut tostum fieret, ut nonnulli
putant. Genera huius Farris Columellæ qua-
tuor sunt: Far Clusinum aut ut alij legunt Elu-
sinum candoris nitidi: Far quod uocatur Venni-
culum rutilum, atq; alterum candidum utrunq; ma-
ioris ponderis quam Clusinum: Quartum trime-
stre quod dicitur halicastrum, & pondere & boni-
tate præcipuum fuit. His Plinius quintum genus an-
numerat Gallicum: Galliæ quoq; inquit & suum
Farris genus dedere, quod illic Brance uocant,
apud nos Sandalū nitidissimi grani, quod fere qua-
ternis libris plus reddit panis quam Far aliud.

De Farre recētiōrū uariāt sentētiae. Hermolaus
uidetur Far idem cū Hordeo existimare, ex eo, ut
suspicio falsus quod Palladius Farris Hordei me-
minerit:

REMBERTI DODONAEI. 84
minerit: uerū hanc opinionem manifestè redarguit
Plinius, Far Hordeo ponderosius scribēs. Alijs pla-
cet esse Chondrum, quod quidem de naturali Farre
uerum esse non potest, Chondrus enim res facti-
tia est: ut paulò post ostendimus, ubi & qualiter
Farri cum Chondro conueniat docebimus. Proba-
bilioꝝ eorum uidetur opinio, qui idem cum Zeia
Far existimant, quamquam eam tueri pro indubita-
ta non uelim. Vtriq; enim spica nullis aristis ualla-
ta: granum multis folliculis inclusum. Deinde
quod & non leuiter coniecturam auget qui Zea
utuntur, Far (ut inquit Plinius) non habent. Zea
item Græcorum propria: Far latinorum. Hoc præ-
terea Græcorum nemo descripsit: illam nemo La-
tinorum, cum tamē utriusq; gentis scriptores Tri-
tici et aliarū cerealiū frugū meminere. Iam & Far-
ris genera sunt quatuor: non pauciora etiam Zeæ,
Typhæ enim & Olyra, ex Zeæ quoq; generibus
habentur. Nobis ex Farris generibus esse uidetur,
quod Galli Scourgeon, id est, quasi dicas succursus
gentiū (ut interpretatur Ruellius) nominant: fru-
menti genus macrū, triste, Hordei similitudine, cu-
ius granū nō facile folliculis deglubitur, nullis ari-
stis uallatum, cuius apud agricolas usus cum anno-
næ præmit inopia: ad Farris enim similitudi-
nem & descriptionem proximè uidetur ac-
cedere

L iij

cedere


EPIST. DE FARRE NAT.

accedere: cui autem Farris generi ascribi debeat exacte iudicare non possumus. De particularibus enim Farris generibus nostra opinione, certi aliquid statui non potest. Et quis de his rebus in tanta ueterum breuitate, ne dicam obscuritate, certi quicquam statuere scire posse confidet? Coniecturis certe magis opus est, quibus, si uel uti licet, uel fides haberi potest, existimauerim Scourgeon illud, uel Clusinum uel Venniculum esse. Ut ut est, magis uidetur ad horum, aut saltem ad communem Farris descriptionem accedere, quam quæ recentiorum nonnulli pro Farris generibus modo exhibent. Neque enim Diui Petri frumentum, Clusinum est: aut Gallorum locale, uel Germanorum Kernsamen. Venniculū. Diui enim Petri, nuncupatum Germanis Eincorn, Trachia Briſa est. Locale uero quod Sorgi Itali & Germani aliquot nominant, ex Fanici uidetur genere esse. Kernsamen uero idem cum Zeopyro, quod apud Bithynos ætate Galeni inuentum fuit, ut in capitibus de Briſa, Zeopyro & Panico, in nostra de Frugibus Historia, diximus.

Haftenus quidem de naturali Farre, quid factitium uidendum relinquitur.

DE

REMBERTI DODONAEI 85
DE FARRE FACTITIO




Ar autem factitium res est, ex frumento, decorticatione, et in grumos contusione apparata. Nihil enim Far hoc aliud est, quam frumentum decorticatione, & in crassiores partes ita comminutum, ut granū quodlibet, in tres tantum quatuorue particulas diuisum sit ut Archigenes testatur, cuius extat Farris huius parandi ratio apud Aëtium, sermone nono Capite 45. his uerbis: Frumentum modico tempore aqua madefacito, indeque extractum, ac in pilam coniectū, ueluti Ptisanam à cortice repurgato, ubi uero corticem exuerit, tollito, ac in sole siccato, deinde manibus tritum donec penitus à cortice fuerit mundatum crassissime molito, ita ut granum unum in quatuor aut quinque partes redigatur, & siccum adseruato. Vsus autem tempore Chondri modo coquitur, & à sanis in cibo sumitur. Parari autem hoc Far ex frumento inquit Archigenes, hoc est ut ego interpretor ex Zea, nam hæc decorticatione potissimum eget, & inter frumenti genera, non postremo est loco. Antiquissimos uero illos Romanos, quos non alio, quam Farre, Frumenti genere, usos trecentis annis Verrius tradit, factitium Far ex naturali siue Farre frumento cōfecisse uerisimillimū

EPIST. DE CHONDRO,

millimum est: indeque factitium idem cum frumento nomen habere. Palladius autem, & ex Hordeo, Far fieri olim solitum innuere videtur, cum ait, Far Hordei uino conspersum pullis primis diebus dandum. Ex quo colligere licet, Far, quando pro re factitia usurpatur, significare posse omne frumentum a cortice suo purgatum, & in crassiores grumos redactum. Qua de causa, & quod apud Germanos & Batauos, (quos Hollandos dicimus) passim ex Hordeo, aut Avena, per decorticationem & in grumos reductionem fit (Gruppen uocant Germani, Hollandi Gort) Far rectissime latine dicetur. Apud Græcos in nullo Farris nomen usum fuit, nisi posteriores quosdam, & eos quidem qui in Italia uersati fuerunt, ex quorum numero Archigenes est, cuius de Farre scripta iam retulimus: Sed eius loco Chondrum, Tragum, Ptisanam, aliaque & nomine & apparatu diuersa habebant, à Farris tamen natura non multum recedentia, ut singulis horum explicatis manifestum erit.

DE CHONDRO.



Hondrus factitiæ rei ex frumento nomen est, & generale uidetur omnium seminum cerealium à corticibus suis mundatorum, quæ in grumos non comminuuntur

minuuntur, sed integra seruantur: nam & ex Hor-
 deo syluestri bonum fieri Chondrum Theophra-
 stus scribit. Proprie tamen & in generaliore sua
 significatione, Zea granum pistum, & a glumis su-
 is repurgatum significat. Fit autem non ex qua-
 uis Zea, sed ex ea, quae duo grana habet, quam
 Δικόκκοι Græci nominant ut Dioscorides testa-
 tur. Modum uero faciendi docent Geoponica Cō-
 stantino Cæsari dicata, in quorum tertio, capite
 septimo, Chondri parandi ratio hunc in modum
 habetur: Zea tunditur & in feruentem aquam in-
 jicitur, ac præmitur, deinde Gypsum album tusum
 tenuissimèq; cribratum, & harenæ albissimæ, ac
 subtilissimæ ad Gypsi partem quadruplum paula-
 tim admiscetur, donec Zea probe repurgetur.
 Ex qua præparandi ratione, aliud esse Chōdram,
 aliud Far factitium, euidentissimum est: differre q;
 hæc tantum inter sese, quātum granum integrum,
 à seipso in grumos confuso. Chondrus enim Zeæ
 granum excorticatum solum significat: Far ue-
 ro idem in grumos confusum.

Cæterum Chondrus uaria quoque nomina habet:
 uocat enim eum Galenus Græcè Chondropti-
 sanen, & Ptiisanen Pyrinen id est Triticeam Pti-
 sanam. Et Ptišana quidem appellatur, quod eo-
 dem scilicet, & assimili quo Ptišana Hordea-

cea

EPIST. DE CHONDRO,

Hordeacca tundatur & mundetur modo. Triticea uero cognominatur, non quod ex Tritico fiat hoc enim decorticatione nulla eget, sed ideo quia Zea etiam ex Tritici generibus habetur: uel quod Zeæ granum cortice exutum Tritici grano assimilabile uideatur. Vnde & Galenus Chondrum primo de alimentorum facultatibus ex Tritici genere esse dixit, quod non aliud sonat, quam ex Triticeo genere cum parari. Aëtius inter Græcos celebris quoque Medicus, Chondrū etiam χόνδρον ἄλικος id est, Alicæ Chondrum nominat. Alicæ nimirum quandam esse speciem indicare uolens, quod qua occasione, aut ratione ab illo factum existimem suo loco referam. Latinis creditur à recentioribus Alica nominari, & est quidem quædam eius species, sed cum multa Alicæ sint genera, confusio- nis magnitudine differentia, non potest haud dubiè Chondrus omnino idem quod Alica esse. Quamobrè etiā eorum sententiā nō probo, qui pro Græca dictione Chondrus, Alicam simpliciter Latine reddunt. Alicæ enim multo latior est signifi- catio, quam Chondri. In longe autem maiori er- rore uersantur, qui naturale aliquod frumenti ge- nus, Chondrum esse existimant, & rem factitiā esse negant: aut qui duo genera Chondri faciunt unum nativum, aliud factitium: nam omnis
Chondrus

Chondrus res factitia est. Neq; obstant, quæ addu-
cuntur ab imperitis quibusdam argumenta, ex scri-
ptorum aliquot ueterum locis deprōpta, in quibus
Chondrus cum Tritico alijsq; frugibus inter ali-
menta boni succi numeratur: nam omne quod inter
frumentacea numeratur, non statim peculiare
aliquod frumenti genus est: ita enim & Ptiliana &
Amylum naturalia essent frumenti genera, cum
Tritico enim alijsq; similibus frugibus ueluti Chon-
drus subinde numerantur, quæ tamen factitia esse
& arte parata nemo dubitat.

DE TRAGO.

TRagus, res quoq; ut Chōdrus, factitia est,
ab eo tātum differens, quantum Olyra à
Zea discrepat. nā ueluti Chōdrus ex Zea,
ita Tragus ex Olyra conficitur. Cuius euidentissi-
mum testimonium Galenus primo de alimentorum
facultatibus his uerbis exhibet: Ex nobilissima
Olyra, cum ut decet decorticata fuerit nominatū
Tragū conficiunt. Nec nō Geoponica Constantino
olim Cæsari dicata, in quibus Tragi præparādi ra-
tio, hunc in modum habetur: frumentum Alexan-
drinum dictum, maceratur decorticaturq; & in so-
le calido siccatur, deinde idem rursus fit, donec et
pelliculæ & quicquid fibrosum est in frumento de-
labatur, atque sic siccandus, & reponendus Tra-
gus

EPIST. DE TRAGO.

Tragus ex generosa Olyra est. Dicitur autem Tragus hic, cognomento frumentaceus, ad differentiam eiusdem nominis herbæ & animalis, non autem quod naturale aliquod frumenti genus sit, nam ut diximus omnis Tragus ex Olyra fit: neque enim ullum est naturale frumenti genus, quod propriè Tragus dicitur: quanquam nonnulli fuerint, ex quorum numero etiam Plinius uideri quibusdam posset, qui Tragum peculiare aliquod frumentum, genere cum Olyra idem existimant. specie autem diuersum. Quorum sententiæ me ideo non mouent, quia horum opinionem Galenus non recipit, sed manifeste reijcit, Tragum ex Olyra fieri testatus: ut & ipse Plinius libro decimo octauo, capite septimo satis innuit, ex Tritici semine eodem quo Ptisana modo, Tragum in Aegypto, & Campania fieri scribens. Cæterum quod hic à Plinio, Tragus dicatur ex Tritici semine fieri, aut à Constantino ex frumento Alexandrino, nihil pugnat cum his quæ diximus: nam Olyra (quæ Dioscoride teste Træ quædam species est) a latinis Arinca nuncupata, ex Tritici quoque generibus est. Triticum enim subinde generaliter, ut apud Iurisconsultos, sumitur pro quouis cereali semine quod in panes cogitur. Eadem uero & frumentum Alexandrinum non impropiè nuncupatur,

tur,

tur, in Aegypto enim cuius metropolis & caput Alexandria est, Olyra facilis, & fertilis ut Plinius inquit, prouentus est: & Zea eo loci, nec non Far, eodem authore, citissime in eam conuertuntur. Res igitur plane factitia Tragus est, Chondro substantiae ratione propinquus, quandam eius figuram, & similitudinem gerens, ut Dioscorides ait: Tanto deterior, & in nutriendo minus potens, quanto in bonitate Olyra à Zea superatur.

DE PTISANA.




Tisana ἀπὸ τοῦ πτίσσειν, hoc est purgare, aut pinsendo decorticare, dicitur; & commune est omnium frugum nomē purgatarum, & à corticibus suis mundatarum: atque hinc Zea gra-

num purgatum χονδρῶ πτίσσαν Chondroptisane, ἢ πτίσσαν πυρίνην nūcupatur, & ex Oryza Ptisana Italos conficere scripsit Plinius. Proprie tamen, & in simpliciore nominis usu, Ptisana Hordei granū decorticatū, & à glumis suis repurgatū, quod pinsendo ac tundēdo fit, significat. Neque ad hoc multis opus testimonijs, res enim per se clara

EPIST. DE PTISANA.

clara & manifesta est. Tantum hoc nobis admonē-
dum uisum fuit: errare eos grauissime in uictus ra-
tione, qui Ptisanam interpretantur leuiusculū Hor-
dei excorticati decoctum, ut fere medicorum &
officinarum uulgus. Nam Ptisana ipsum Hordei
granum excorticatum, atq; purgatum est, quæ co-
cta atq; ut decet parata, hoc est (Galeno interpre-
te) cum in decoctione quam plurimum intumuerit
& postea igne lento per multum ocium in chylum
fuerit redacta, laborantibus acutis morbis olim ci-
bi loco dabatur: ut ex Hippocratis libris & Ga-
leni in eosdem commentarijs manifestissimum est.

DE CRIMNO.



Rimnon uocant Græci ut Galenus in-
quit, maiores Hordei partes, quæ es-
fracta polēta, farinæ eius inuehūtur,
quæ uidelicet molæ exquisitissimā tri-
turā refugerunt: hoc est, crassiores & corpulentio-
res farinæ partes, quæ à mola perfectè subactæ
non sunt. Vnde & ipsum κριμνον nomen translātū
est, ad rudiorē ac crassiorem farinam, cuiusuis fru-
menti, siue id antea tostum (ueluti dum polenta ex
Hordeo conficitur) siue nō tostum fuerit, nā & non
tosti frumēti crassior farina. Crimni quoq; appella-
tione uenit, ut apud Dioscoridem uidere est: ex Tri-
tico enim & Zea Crimnō fieri scribens, adiicit pul-
tem

tē ex Crimno factā ualentius astringere. si Zea ex qua fit, prius torreatur, innuere uolens etiā ex Zea Triticoue nō tostis, Crimnō fieri. Quā ob causam Crimon apud Dioscoridem aliosq; scriptores nihil aliud est, quā crassa, rudis, et corpulētior farina Tritici, Zeae, Olyrae, hordei, aut alterius frumēti, quae extremam, tenuissimam, & perfectissimam, mola subactionem refugit, siue quae exquisitissimē trita nō est. Trituræ siquidē solo modo, a farina proprie dicta dissidet. Cæterū Crimnō idē cū farre factitio uideri posset (utrunq; siquidem cereale semē est cō fractum, non exquisitē tamen mola confectum) si non materia & trituræ modo differrent: his enim duobus dissidēt. Nam Crimnon fit ex frumēto non decorticato, aut mundato: Far aut ex eodem purgato. Hoc non usq; adeo teritur quod farina dici possit: Crimnon uero ueluti farinae quoddam rudimentum est, tenuissima & probē confecta farina, crassius & imperfectius existens.

DE ALICA

Alica, ut inquit Plinius, res Romana est, quae Pompei magni ætate, nondum in usu fuisse traditur: alioqui, ut ait, non Ptsanae potius laudes scripsissent Græci, cui sine dubio antefertur. Fit ex Zea, quae semen dicitur. Tūditur autem granum eius in pila lignea (nam lapidis duritia conteritur)

M

teritur)

EPIST. DE ALICÆ.

teritur) donec decorticetur. Vbi autem purgatum est, conciditur iterum medulla, iisdem quibus mundata est armamentis, & in grumos quosdam crassiores redigitur, qui contusionis magnitudine dissidentes, tria Alicæ genera proferunt: unum grandissimum: secundarium alterum: tertium minimum, quæ cribris separantur, ac discernuntur. Vt horum omnium locupletissimus testis Plinius, libro decimo octavo, capite undecimo est.

Grandissimum Alicæ genus, id est, quod in rari ¹ ori cribro manet: huiusmodi sunt grana à corticibus suis mundata, quæ integra adhuc sunt, aut quæ minimū trituræ passa. Hoc genus Alicæ ἀφύρμα dicitur, quia scilicet illi ablatus, & abductus est cortex.

Secundarium ex ijs quæ per cribrum rari ² us trāsierunt, in altero arctiori manet, nam quæ per primum transeunt, rursus arctiori cernuntur. Huius generis sunt grana in aliquot partes comminuta, non tamen integrè confracta, quale quid factitium far esse diximus.

Tertium & minimum Alicæ genus, cribraria ³ nuncupatur, est quod in tertio mansit cribro angustissimo, & harenulas tantum transmittente,

te, crasior quædam (nostro iudicio) ueluti farina,
cuiusmodi Crimnon est.

Et hæc quidem eius Alicæ sunt genera, quæ ex
Zea fit, & proprie Alica dicitur. Est uero & alia
Alica quæ Plinius adulterinā nominat, quæ fit, ut in-
quit, ex Zea quæ in Aphrica degenerat, cuius spi-
cæ latiores nigrioresque, & stipula breuior: quæ
nostra opinione eadem cum Olyra est, In Aegypto
enim quæ Aphricæ provincia est (nō enim Nilus,
sed Arabicus sinus Aphricam ab Asia dirimit) Oly-
ra facilis fertilisq; & ex Zea Farreue degeneran-
tibus provenit, ut alibi Plinius scribit. Huius autē
Alicæ, tot etiam sunt genera quot Alicæ ex Zea
præparatæ: grandissimum, secundariū, & minimū.
Ex his autem qualem quantamq; Alica, cum Chon-
dro, Trago, Crimnoq;, quæ apud Græcos passim
occurrunt cognationem, & similitudinem habeat
uidere, & intelligere cuius promptissimum erit:
& quia plura eius sunt genera nō cum uno aliquo
solo conuenire, sed ut iuxta contusionis magnitudi-
nem, & seminis diuersitatem differētiā sortitur,
ita etiam cum diuersis quæ apud Græcos inueniū-
tur similitudinem habere.

Nam primum illud genus Alicæ quæ ex
Zea fit, uidetur id esse, quod apud Græcos
Chondrus: utrumque enim granum Zeæ de-

M ij

corticatū

EPIST. DE ALICA.

decorticatum est, & purgatum: & siquidem Zea, ut Alica fiat, aut præmaceratur aut in feruentem aquam demittitur, quod Plinius non explicat, haud dubie eadem est quæ Chondrus. Zea enim dum ex ea Chondrus fit, in aquam feruentem mittitur, ut Cōstantinus ait. Videtur autem id Aëtius ex posterioribus Græcis medicis omnino confirmare, dum hunc non simpliciter, ut Galenus & alij Chondrū, sed Chondrum Alicos appellat: nimirum indicare uolens, Alicæ plura esse genera, & eius grandissimum Chondrū esse. Alicæ igitur quoddā genus idē cum Græcorum Chondro est: quæuis tamen Alica Chondrus non est: nam reliqua duo genera in grumos contusa proprie Chondri non dicuntur.

Quod uero ad secundū genus attinet, quod secundariū dicitur, hoc quia comminutum est, Chōdrus (ut diximus) nominari non potest, sed cum Farre factitio cognationem aliquam habere uidetur: et siquidem Zea & far frumentum idem sunt, ut nonnulli existimant, Alicæ hoc genus secundarium, et Far factitium una eademq; res erunt: si uero aliud Zea, aliud Far naturale, tātum inter se differre merito putabuntur, quantum ipsa frumenta, ex quibus conficiuntur, dissident.

An uero secundarium hoc genus idem sit, cum eo quod ab Aegineta ἀλίξ nuncupatur, dignum inquisitione.

REMBERTI DODONAEI 91

inquisitione uidetur, nam quid sit non explicat, tantum aliud esse à Chondro indicat, pertractatis enim Chondri facultatibus statim subiicit:

ὁ δὲ ἄλιζ τὰ μὲν ἄλλα χόνδρῳ παρέοικεν μάλλον
δὲ γὰρ σφοδρὸν ἐφεκτικός.

id est, Alica in cæteris quidem Chondro assimilis est, sed alium magis astringit. Ex quibus uerbis manifestum est, aliud quidem à Chondro esse, sed tamen non multum ab eo quid alienum, aut facultate dissimile, qua de causa etiam, ut mea fert opinio, Alica Pauli eadem est, cum secundaria Alica Plinij. Secundaria enim hæc Alica grandissimo generi, siue Chondro similis, comminuta tantum magis & in minores partes à pistillo confracta.

Tertiū Alicæ genus, idem cum secundario esset, si non tritura & contusionis modo distaret, quo tenuius est, & magis farinaceum. Posset id uideri Crimnon, si non Crimnon frumenti non purgati, uel cuiusuis alterius rudior farina esset: illud uerò Zeæ mundatæ & contusæ tenuiores grumi. Hoc genus Cribraria Alica dicitur, quod à cribro angustissimo non transmittatur, sed in eo maneat.

Poterit autem qui uolet hæc genera perfectius nosse Zeæ aut alterius frumenti grana in pilam tūdere, deinde tribus cribris subcernere, quorum unum rarius sit, alterum angustius, tertium angustissimum,

M iij

stissimum,

EPIST. DE ALICA.

tiſſimum, & harenulas tantum transmittens. Et pri-
mum quidem rariori cribro uti, in quo quod rema-
net nec trāſit grandiffimo Alicæ generi reſpōdet.
Deinde rurſum quæ tranſierunt, arctiori cernere,
per quod nō tranſiens ſecundariū genus conſtituit.
Poſtremo quæ per ſecundarium tranſmiſſa ſunt in
tertium anguſtiſſimum mittere, in quo ſi quid rema-
net minimo reſpondebit Alicæ generi. Et hæc qui-
dem tria illa Alicæ ſunt genera, contuſionis magni-
tudine diſtancia.

Adulterina uero Alica, qualis ſit ex ijs quæ dixi-
mus promptum erit uidere : ſi enim grandiffimum
Alicæ ex Zea genus, Chondrus eſt, adulterinæ
certe idem non aliud quam Tragus cognomento
frumentaceus fuerit. Tragus enim ex Olyra con-
ficitur, ex qua Alicam adulterinam fieri veriſimili-
ter demonſtrauimus : dein & utriuſq; præparandi
ſimilis eſt ratio. Alia autem duo eiufdem genera cū
alterius Alicæ generibus ſimilia ſint, ſimilē quoq;
ad Tragum quam illa ad Chondrum rationem ha-
beant, conſequens eſt. Hæc habui Doctiſſimè Cō-
pater, quæ de his rebus dubijs & in controuerſia
medicorum huius temporis poſitis, plane obſcuris
& confuſis in præſentia adferre potuerim, quæ ti-
bi ſcripta eſſe uolui, non quod eruditionis tibi ali-
quid induſtria mea accedere poſſe confidem, ſed ut
(quod

REMBERTI DODONAEI 92

(quod mihi optasse uisus es) sententiam meam de
his rebus, quoquo modo aperirem: quæ si tibi satis-
fecerit, & probata fuerit, non erit quod inuidorum
aut indoctorum liuorem curem, satis enim mihi, tu-
um fuerit iudicium: qui & uariarum rerum
singulari eruditione instructissimus es,
& singulari animi candore prædi-
tus ueritatis semper fu-
isti amantissimus.

Bene uale.

M iij

REMBERTI DODONAEI AD
D. Iohannem Vischauium apud
Bredanos Medicum Epi-
stola de Zytho, &
Cereuisia.



Vm te doctissime Vischau tali et tam
candido erga studia conatusque meos
affectu praeditum esse, cum ex literis
tuis omni humanitate plenissimis, tum
ex alijs argumentis didicerim, ut omni qualicunq;
ingenij mei foetura oblecteris, & lucubrationũ me-
arum sis cupidissimus, optimeq; de his semper sen-
tias: eaque praeterea animi prudentia & integra-
te donatum esse certo sciam, ut optima sectari, ue-
ritati, & ueteri Medicinæ plurimum tribuere, tibi
semper fuerit propositum, non potui praetermitte-
re quin de Zytho, & Cereuisia sententiam meam,
ut postulas, tibi aperirem ingenuaeque communica-
rem. Potuissem quidem hic pluribus uerbis uti, &
in eorum erroribus qui Zythum & Cereuisiam
idem esse existimant, & hinc Cereuisiam ueluti in
cõmuni uita inutile damnant, reprehendendis uer-
borũ & temporis nonnihil impendere. Sed quia ue-
ritatẽ aperire in quaque re mihi magis semper cor-
di fuit, quam aliorum errores consectari, aut con-
uellere, relicta illa repræhendendi contentione ad
aliam

REMBERTI DODONAEI 93

aliam rationem me conuertam: Zythum & Cereu-
uifiam res omnino diuerfas esse oftensurus. Quod
quidem euident & manifestum erit si parandi Zy-
thi ratio, cum coquendæ Cereuifiae modo compa-
retur. Vterque quidem potus ex Hordeo fit: sed Zy-
thum ex Hordeo conficitur putrescente, & acescē-
te: Cereuifia uero ex Hordeo tosto resiccato, et ab
omni putrilagine conseruato. Vt enim is potus fi-
at, quem Zythum appellant, qui à Dionysio in
Aegypto primum inuentus traditur, & à Sophocle
& Aeschilo βρύτορ dicitur, hordeum in aqua ma-
descat, & putrescat oportet, donec in liquorem ui-
no similem resoluatur. Quam ob causam & acre
gustu est, ex putrilagine nempe acescente natum:
renes & nervos tentat: cerebrum uestiētibus mē-
branis officit: uitiosum succum gignit: inflationem
parit: reliquaq; uitia procreat quæ Dioscorides
enumerat. Cereuifiae autem parandæ hæc est ra-
tio: Hordei in Cereuifarios usus præparati farina
addita uel Zeæ uel Tritici, ubi præstātiorē Cere-
uifiam reddere in animo est, cum aqua feruenti ali-
quandiu subigitur & diligentissime miscetur,
dein colatur, & cum floribus Lupuli salictarij ad
tertias (plus minus) recoquitur, ac mox ubi re-
frixerit addita Cereuifaria fece, quæ fermenti
loco est, in uasa ad potus usum reconditur. Quæ
relictæ

EPIST. DE CEREVISIA.

relictæ sunt. Hordei & frugum siliquæ in iumen-
torum & pecudum pabulum cedunt. Hordeum au-
tem hoc modo ad Cerevisiarios usus præpara-
tur: Primum aqua irrigatur totumq; madescit, inde
in atrium quoddam frigidum, ad quod nunquam,
aut raro admodum sol attingit, spargitur, ubi us-
que dum germinare ceperit sinitur, ac tum demum
in tabulatum quoddam pertusum deponitur, in quo;
subiecto igne, sensim fumo torretur ac resiccatur.
Vulgo Mout, quasi emoluitum, nominant: quod enim
molle, lingua nostra Mouer dicitur. Atque hæc
quidem est Hordei præparandi, Cerevisiæq; con-
ficiendæ ex eo ratio. Ex qua manifestum & cuius
uis apertum est, aliam Cerevisiæ nostræ, & aliam
Æthi naturam, & facultatem esse: Cerevisiamq;
minimè inflare, ueluti ex putrilagine natum Æthi,
sed potius contra calfacere, resiccare, & abster-
gere posse: ut quæ acrimonia quadam ac amaritudi-
ne prædita sit, idq; tum Hordei tostitione, tum
Ææ, uel Tritici, quæ fere ei admiscuntur, sed ma-
ximè Lupuli salictarij occasione qui manifestè ca-
lidus est. Et calfacit aut abstergit omnis Cere-
visia non æqualiter: est enim & refrigerans
quædam, tenuissima uidelicet, quæ cum mini-
mum frumenti, in coctura admisit, ab aquæ natura
non multum permutata, nullius calidæ aut abster-

gens

REMBERTI DODONAET 94
gentis facultatis participat. Sed quæ multum fru-
mentorū, Hordei Lupulique admisit, manifesto cal-
facit: & si omnino plurimum receperit, etiam tam
insigniter abstergit, ut & bilem per aluum &
urinas deducat, propter insignem amaritudinem,
quam ex copia frumenti nacta est. Qualis est
crassa quædam Cereuisia, ex septentrionalibus
Germaniæ maritimis ad Batauos & Brabantos
aduecta, quam nonnulli, ex admistione quarun-
dam Herbarum medicatarum, ut Absinthij, in-
coctarum, talem redditam putant, quod uero
repugnat: ut à fide dignis Cereuisiarijs cocto-
ribus intellexi, qui mihi affirmarunt, & se
ipsos expertos esse testati sunt, non aliundæ
Cereuisiæ amaritudinem, & abstergendi aluum
que deducendi uim aduenire, quam ex Hordei
frumentique copia. Quantumcunque autem
Cereuisia calfaciat, longè tamen infra boni uini
naturam, & temperaturam consistit, à quo &
tenuitate substantiæ superatur. Cereuisia
enim omnis crassa, & quo melior eo crassior,
nisi peruetusta sit: eamque ob causam difficilius
descendit, & diutius circa præcordia heret
quam uinum. Et hæc quidem ex uitijs eius.
Quod uero ad facultates attinet corpus probè
alit: succum gignit non malum: caput autem
tentat,

EPIST. DE CEREVISIA.

tentat, si liberalius sumatur, sed id non sui ratione,
sed propter Lupulum salictarium maiori copia in-
coctum. Nervis autem & membranis tantum ab-
est, ut obsit, ut etiam ipsos malè affectos roboret:
nisi acorem quendam contraxerit: aut alias admis-
sione quarundam peregrinarum Herbarum, alia-
rumue rerum, à communi consuetudine fuerit trās-
mutata (ut nonnulli Cerevisiarij coctores frumens
to parcentes, in pernitiem multorum faciunt) tunc
enim pro qualitate, quam accepit, in corpore varia
symptomata excitat, subinde etiam pernitiosa.

Et hæc quidem de Cerevisia, & Zytho. Senten-
tiam autem nostram de leguminibus, non est
quod hoc loco rescribam cum omnem hanc
materiam in nostra de frugibus histo-
ria, latissimè pertractaverim,
quam una quoq; cum hac
epistola accipies. Vaa-
le Mechliniæ.

FINIS.

CATALOGVS AVTHORVM

QVORVM TESTIMONIO D.

Rembertus in hisce libris vsus est.

Aëtius.	Messapius.
Apuleus.	Mnesitheus.
Athenæus.	Pacuvius.
Columella.	Palladius.
Cornelius Celsus.	Paulus Aegineta.
Dioscorides.	Plinius.
Donatus.	Priscianus.
Festus Pompeius.	Psellus.
Fuchsius.	Ruellius.
Galenus.	Scribonius Largus.
Hermolaus.	Seruius.
Hieronymus Tragus.	Sextus Pompeius.
Hippocrates.	Theodorus Gaza.
Homerus.	Theophrastus.
Iuuenalis.	Verrius.
Martialis.	Varro.

FINIS.

Admissum per Petrum curtium pastorem diui
Petri Louaniensis die 29 Iulij.
An. M. D. LII.

Handwritten text at the top of the page, possibly a title or header.

Main body of handwritten text, appearing to be a list or a series of entries.

Handwritten text at the bottom of the page, possibly a signature or a concluding note.

